





擇里志全



總貨

四民總論

古無士大夫皆民也民有四士賢而有德國君仕之不仕者或為農為工為商昔舜耕於歷山陶於河濱漁於雷澤耨農也陶工也漁商也是以不仕於君當歸於農工賈之民夫舜千古為民之法也至治之極爾再稼皆民鑿井耕田于而樂尚有等級名號之與哉查畧之生久矣夫禮繁而名殊而等級多聖人之係章度數至衆矣三代之時諸侯多其世卿士大夫各以禮治富貴而士之不仕者雖不貴又守古聖人之法其治家修身苟力可及而無害於僭則是卿大夫同所誦詩書而所業仁義禮樂也於是士大夫之名出焉名立而塗異故而農工賈遂賤而士大夫之名益尊自茲滅封建天子一人外凡仕於朝者與不

明治四十一年九月二十七日

氏奇贈

仕而在下者苟其人從事於士則通謂之士大夫士大夫益多然此非上古之制也故曰舜克時士大夫也為農工賈不恥則抑後世何憚焉或欲以士大夫侮農工賈以農工賈而羨士大夫則皆不知其本者也夫聖人之法豈惟士大夫可能農工賈亦可能其果有不同者乎雖然後世人品不及於古氣稟有賢愚術業有通塞士大夫或可為農工賈而以農工賈為本業者或不能為士大夫之事則於是不得不以士大夫重焉此後世自然之勢也是故為士大夫或遊談而析表一世之權或高蹈而直抗萬乘之尊或混於畊牧陶賣炭賣藥之中無所不通而貴賤惟意高下在心不失士大夫之名者以其守古聖人之法也毋論其為士為農為工為商當一修士大夫之行而此非禮不能禮非冒不能故於是乎不得不立家置業以四禮

事俯育持門戶之計是以作士大夫可居處蓋時有利不利地有善惡人有進退出處之異也

八道總論

崑崙山一枝行大漠之南東為醫巫閭山自此大斷為遼東之野渡野起為白頭山即山海經所謂不咸山也精無北走千里挾二江向南石為固塔背後抽一脈而朝鮮山脉之首有八道曰平安陰瀋陽曰咸鏡陰女直次則曰江原承咸鏡曰黃海承平安曰京圻在江原黃海之京圻南則曰忠清及全羅全羅南之東慶尚也慶尚即古帝韓辰韓地京圻忠清全羅即古馬韓百濟地咸鏡平安黃海即古朝鮮高句麗地江原別為穢貊之地其輿減未詳唐末王太祖出統而合三韓為高麗而我朝繼運矣東南西皆海獨北一路通女真遼瀋多山少野其民柔謹

天下三大幹之北于東入三韓為白頭心為東國之祖山焉其大乎則白頭為白毫為隱忠為青龍為金剛自金剛為五塔為大白自大白為俗雅目俗雅為隱極目隱極為智量八者也所生子則自白龍印行為達覺止鴨綠良行為妙香止大同自隱忠良行為杜岳止碧瀾自善龍良行為三南止漢江自大白坎行為西岳止釜山自俗雅崗行為善溪止甲津者也所生之子又生大支則自隱忠表及青岳而分為首陽止善暎自俗雅未及青溪而分為御世葛島自德裕未及雞毫而分為秋

月止蟾津者也大于直生小文
則白頭之小自曾異之無量五塔
之龍門全剛之伏毫去其毫之
金岳德裕之屠屠者也大文又
為小文者則秋月之月出海山
是也其餘修于側文不可盡
述焉

東國名山氣像

和都

天麻之駟聘如五陵之年
輕來快馬衝雷常冰

局從長亘三千里東西不滿千里際海而南者可值浙江吳會
之間平安之北義州為界首邑約可當青州國大抵在日本中
國之間古克時有神人化生于平安道竹川縣妙香山檀木下
石窟中名曰檀君遂為九夷君長季代子孫不可記後箕子出
封於朝鮮靺平壤至孫箕準蒸時為燕人衛滿所逐浮海遷都
於全羅益山郡踰為馬韓箕氏地界不詳於史氏而與辰下是
為三韓赫居婁與於漢宣帝時盡有慶尚道臣辰辰下諸地踰
新羅靺慶州朴昔金三姓更迭而為王衛氏亡於漢武帝時及
漢移民棄地有朱蒙者自靺鞨來平壤踰稱高句麗朱蒙沒其
次子溫祚又分據漢水以南滅馬韓號百濟都扶餘高句麗與
百濟併滅於唐高宗時棄地撤歸二國地盡八新羅末為子裔
甄萱所分至高麗一之此我國建置變革之大畧也新羅以前

晉州

智聖之勇偉如陽明是
賈質貨聚萬意欲
聖窮

明州

七寶之跪惟如牛滿然
犀羣靈單露

公折

鷄龍之明脈如杏坤春
風回梁點瑟

陝川

伽伽之端妙如漢漢
遊女心志貞淑

三國戰爭不休然文蹟少自高麗而始可述矣高麗時士大夫
之名未大立多起自胥吏而為卿相者一為卿相則其子與孫
為士大夫咸置家於京城周遂為士大夫淵藪而外邑人罕有
登于朝者又唯冀制科舉取士外方人稍得顯仕于朝然西
北多武臣東南多文士及至季世文風大振間有中、原制科
者此通元之效也今以大姓稱於世者多高麗卿相之後裔
則士大夫之曹淑未歷自高麗而始可述矣

平安道

平安道在鴨綠南瀕水北為箕子舊封地舊界踰鴨綠至青石
嶺唐史所稱安市白岩在其間自高麗而淪失於契丹以鴨綠
為限平壤為監司所治在溟水上實為箕子所都以箕子故於
九夷風氣先開箕子季衛氏及高氏都八百餘年至今為一

漢師
三角之蟲立如夷齊
採薇志節

長城

白龍嶺之清絕如雪樺
山陰幽惶雜禁

鐵原

寶蓋之幽遠如畫
生疏書下惟十年

結城

身標之孤秀如西湖
處士傷梅吟詩

金剛固無能名書耳

國重鎮者又千餘年矣地尚有箕子井田遺址及箕子墓國家
以鮮于氏為箕子之孫建崇仁殿於墓傍以鮮于氏世襲殿官
奉祀如中魚之曲阜孔氏且江山奇絕朱蒙時古迹甚多然語
多吊詭不可信城在江上絕壁有練光亭長江外遙山遠撰於
濶野長林之外明媚秀嫩不可名狀高麗詩人金黃元登亭終
日沈思只得一聯曰長城一面浴之水大野東頭點二山而終
酒不復續仍痛哭而下此最可笑詩亦非佳句皇朝時朱之著
奉使至登亭叫呼稱快手寫天下第一江山六字揭額及丁丑
清皇帝回軍日見之以為中原有全陵浙江此安得為第一令
人打破而已惜其善寫只令鉅去天下二字循亭以北有清流
鮮之盡之有浮碧樓在樓隅永明寺前明廟朝許於谷葺為儒
生時與儕友往遊且約監司之婿大張故樂於樓上監司夫人

怒其嘗挾妓行樂嗚監司遣隸卒盡拿諸妓因之荷谷踉蹌敗
歸作春遊浮碧樓歌一篇以嘲之一時盛傳監司以此見棄於
世地雖宜五穀綿絮少破提溪礪只草田種然惟下係有碧只
島在江中水縮泥生土人為水田其中收皆訃種江出於白頭
西南行三百餘里至寧遠郡大北為江東縣李德陽孟山
小合至浮碧樓前為大同江南岸為十里長林官禁樵牧自
箕子時至今繁盛每春夏綠陰掩映不見天日平壤東為成川
府即松讓王國為朱蒙所併邑治在江上而在辰時先海奉廟
社主避亂于府中及即位使府使朴焜大修降仙樓於客館傍
樓為三百餘間結構宏壯為八道樓觀之首前有屹骨山十二
峰石色不雅江既淺駛野又挾狹視平壤迥不及矣然先海以
焜為能擢為平安監司時值滿州作梗西路多事焜有方請先

海倚以為重凡十季不遷燁多用貨善用間巡到冕城適清兵圍城夜半有一胡人踰城入燁寢所附耳語而去明朝燁令人持酒往犒又以牛肉長串矢領於軍卒不羸不縮恰當軍數胡將大驚怪以為神也即請和解之癸亥燁禪將一人請間說以朝廷將敗公主上寵臣必與其秋不如暗與清結若朝廷有事則納地割據足以自保不然則難乎免矣燁曰吾文官豈可作叛臣不聽其人即棄燁而逃未幾仁廟及正即亦使斬燁於任所燁壤西百餘里為安州臨清川江上有百祥橋傍有七佛寺高麗時隋兵至江上有七僧前渡水不沒膝隋兵隨以長駟先鋒一陣淪焉兵退而僧仍不見土人德之建寺祀之安州東北為寧邊府因山為城峻絕險固踞鉄瓦平安一道惟此可以保障存北為鈞山嶺高曰鹿丸鹿城遺址尚在自北踰二火嶺

為江界府東至白頭山為五百餘里其間為齊四郡地世宗朝革屬江界府移民其地今樹木參天為絕峽多產人蔘每於春夏許許氏採輸官免貢賦故江界為國中產蔘之邑府西為渭原地名明李成梁祖地成梁父謂原人殺人逃入廣寧生成梁李如松嘗曰俺本朝鮮人云謂原西有六邑為州為界首而宿通渡渡之路邑治在鴨綠江上江外二大水自胡地東北來會至邑北別為三江每遠水漲溢三江合一海水中為威化島麗末雀瑩勸禍攻遼禍至平壤使我太祖大王將六萬兵次是島時當盛夏太祖順軍心三蹙請罷兵瑩不聽太祖仍與諸將隊回軍誅瑩一軍樂從遂回軍瑩聞變與隅走太祖尾至圍宮城執瑩誅之齊禍父子立恭讓王未幾禪代大率清州江以南南謂清南地形東西狹以北則謂清北東西延廣甚廣一道東

近嶺脊山多而平地少且乏川澤可灌溉故水田絕少野皆田
谷箕氏高氏之盛地俠人多之夷山開墾及屢為漢兵所涉地
多荒麻且王氏混一後民多流下三南至今野廣人稀少山畊
矣西則近海諸邑多障湖為水田而然視田則少故一道米價
常貴於三南俗事桑麻織作魚塩絕雖臨海貴邑黃塩處不多
地不產竹柿苧楮清北則地左高寒近塞故亦無花果而物產
甚稀少民皆些窳偷生惟平壤安州二邑為大都會師裕燕貨
商賈隨使臣往來者每獲奇羨多富厚者且清南近南地俗尚
文學清北則俗雜魯尚武惟定州多登科文士

咸鏡道

平安之東白頭大脈南下截天為嶺之東即咸興道為古沃沮
地南限鐵嶺東北限豆滿江長過二千里逼海而東西未滿百

里舊屬肅慎王至漢屬玄菟後為宋氏所據矣及至為女真所
據高麗則以咸興南定平府為界至中葉使尹瓘將兵逐女真
過豆滿江百里至先春嶺為界後復歸地于金以咸興為界至我
朝莊憲大王使金宗瑞北拓拓地千餘里至豆滿江設六鎮及兵
營於江邊而女真窟穴之在白頭東南者舉八故尚矣肅廟丁
酉康熙皇帝使穆克登、白頭山審兩國地界沿豆滿江至于
會寧雲頭山城見城外大坂有衆塚而土人指謂皇帝陵克登
令人掘開塚傍得碣上書宋帝之墓四字克登令大其封等而
去始知金人五國之城即雲頭山但云宋帝不知其微與欽也
雲頭距東海堇二百里而海道密通高麗且高麗全羅道與抗
州隔一小海風便七日可通若令宋高宗陰厚高麗使高麗從
東海乘船以千人陸襲雲頭纂取徽欽與邢后遵海登陸而自

全羅泊杭州則此天下一奇事惜乎高宗意不在父而徒溺西
湖遊宴之樂其不孝之罪可謂通天矣此千古之大限矣然高
宗則死未百年則遭賊僧殺塚之秋徽宗則雖死葬他鄉至今
得保五壠天道之洞泐不可知也此矣士人耕於塚上者往往
得古彝尊彝鼎之屬似宣和陵餘則是宮人從宦之塚也之土
人傳豆柄北十餘里又看皇帝陵此則似欽宗之不可詳也咸
興以北山川巖險風俗勁悍土寒地瘠穀惟粟麥少稂稻無綿
絮土人衣狗皮禦冬性耐饑寒一如女真矣山饒貂裘民以貂
裘搜南商之綿布方得衣袴然非富厚者不能也臨海饒魚鹽
然海水清而悍多若石魚鹽半不及西海之釀厚咸興府為監
司所治一道不知文學吳我十代祖敬憲合韓繼孫成廟朝莅
監司擇俊秀少年廩養而教以經史行誼自是文學蔚興向有

中科甲者士人謂破天荒及合卒鄉人建祀俎豆之城臨君子
何上有萬歲橋之長五里城南門上有樂民樓全覽一邑之勝
分平壤練光亭相甲乙野曠邈接海風雄壯鷲悍不及平壤之
秀嫩明麗野中有太祖微時古宅至今安畫像其中朝象遺遺
守護以時致祭為本朝豐沛枌榆之鄉永興南百餘里為安邊
府在鐵嶺之北邑治西北有釋王寺太祖未登極夢背負三椽
花飛鏡落同於僧無學對背負三椽王字者也花落終有窠
鏡落豈無聲太祖大喜遂建寺名曰釋王寺大修水陸道場百
有五百羅漢現像空中之應安邊西北德源境海上有元山村
浦民聚居以漁採為業而海道北通六鎮之及沿海諸邑之商
舡多維泊於此凡魚鹽海蔘細布輕氈貂裘棺槨之材皆於此
地出貫故江原黃海平安京圻諸商賈日夜金集物貨委積為

大都會民多以廢著為業而致富厚者朝家設倉於此地海運慶尚之穀儲置於此每北踞凶荒又以時舡運列邑而為賑資矣安邁東南有黃龜山上有龜湫泉石殊絕是為咸江交界之處山南則歙谷縣也太祖以將帥受王氏禪代其佐命功臣又多西北猛將既得國遣命西北人勿大用以此平安咸鏡兩道三百年來無顯官或有登科制者官不過縣令間有通治侍者然亦罕惟定平人金杞安邁人李之醞得至亞卿鐵山人鄭鳳壽鏡城人田百祿以武將至兵使且國俗重門閥京城士大夫不與西北人為婚娶平交西北人等不敢與士大夫抗禮西北兩道遂無士大夫亦無往居者惟咸從魚氏清海李氏安邁趙氏則貫豐壤而國故^亦并通移居京城代有科第此外無人是故西北咸平二道不可居

黃海道

黃海道在京圻平安之間蓋白頭南脈至咸興府西北攬為鈞門嶺又南下為老人峙自此分二枝一南行由三方峙^斷即起為鐵嶺一西南行由谷山為鶴嶺又分三枝一從兔山金川為五冠松岳即高麗古都一從新溪為平山綿岳茲為黃州一道之祖而西為海州昌金首陽等山又下野而平齒而西北轉為信州錐山又北回而止於文化九月山即檀君古都一從谷山遂安太山峻嶺橫亘不斷為慈悲嶺為望嶺西止於黃州棘城貴州在望嶺之北與平安道中和府接界州置兵馬節度營以捍蔽^西東之蹠而自黃州南踰望嶺由鳳山瑞興平山金川四邑以達開城是為南北直踞之東遂安谷山新溪兔山等邑並在萬山中地險民囂洞峽陰遠多崔浦^出沒自古鮮文

學顯達者直路諸邑亦然惟平山金川頗有士族之流寓者金
川則合江陰牛峯二縣為郡旧有瘴近益甚不宜居平山亦有
瘴然^西綿岳東麓有花川洞、有高巔大塚謠傳清人祖地其
下嶺開野故踏土地且鏡沃故多富厚之村亦出顯達之士慈
悲嶺曰為通北大路自高麗末廢慈嶺界長樹木以塞之開
呈嶺踞為南北大關然嶺過呈不十里即斷為平崗、盡乃為
平原是為棘城之野高麗時蒙兵避呈嶺由棘城入棘城野東
西廣十餘里西止於南五里江下流通潮湧無冰若自慈悲等
長城橫亘棘城江岸則南北可以斷絕而為天塹矣然呈嶺自
九月東西對峙為一大江水口而南五里江劃處一野中自南
北注涇江、東則黃州鳳山瑞^興平山江^西則安岳文化信川
載寧也八邑大同依而俱在綿岳首陽之北土上腴宜五穀綿

絮鉛鐵則山出而棋置江東西岸皆大水尋長堤內皆水田糧
稻一望無際如中原之蘇湖矣且米之產於此者顆粒長大體
性粘潤異於他地內厨用以為御供者只此地米也自首陽錐
山為九月者維時有^低高^底實為大幹脊、外臨海為邑者南為
海州、之右為康翎^底為津西為長淵府、之北為柘木殷栗豐
川止於長連與平安三和府隔一小海錐山一脉循長淵南^西
走止於長山串峯密洞逶迤深阻自高麗視湖南下^西湖^西
安眠并為柘田以備官廩及舟車之用串北有金沙寺海汀皆
沙岸沙極細如金色映日閃鑠者二十里每隨風成峰崔嵬成
削朝夕遷移或峙於東或峙於中倏忽左右遊動不定然沙上
塔廟壯壯麗而終不理^埋壓此實可怪或曰海龍所為以中產海葵
形類防風每四五月中原登萊海艇至者甚眾官弁將吏逐之

則浮海下碇俟無人上岸採蔘而去串下海中又產鯪魚及黑
虫之無骨即一壞黑肉如苽全身有肉刺者也中爲人用以染
魚緞鯪魚即漢書王莽所嗜者登菜雖有之味珣厚不及其境
產者故採海蔘時并採之以利重故登菜舡歲益多至頗爲沿
海民害八邑雖夾海爲利土多脊惟豐川殷粟爲上腴有造山
一坪水田種一斗或收穀百斗少不下百斗田出亦如之此又
三南之所罕也然長洲以北南阻長山串惟北通平安故穀絮
至賤佃夫下族誇富厚皆自稱士族矣長洲南大海中有大青
小青二島周圍頗廣元文宗竄順帝於大青島順帝等室以居
奉純金佛像一軀每日出時輒祈禱返國未幾歸而登極遣工
匠百餘人使中官監役大建於佛寺海州首陽山中是爲神光
寺制什工麗爲一國之最中間定於火更建而殊不及古今島

廢 廢無人樹木冬天順帝所種桑菜茹之屬自榮自落於棒莖
之中宮室階礎遺址宛然海州爲監司所治在首陽之南而
海水闔兩山間匯停面前山外爲大湖山人謂十洞在湖也潔
城曠捷其勝頗有臨眺之致昔栗岩爲監司得石潭石泉於首
陽山中罷官後尋室講孝京城及申方遊士多從之及栗谷沒
建祠俎豆於中門人子孫仍世居於奉其風教文祀科甲冠於
一道又襄鄉人借學宮分明攻擊如仇誓告目以忠鄉云矣綿
岳一枝逆而東走爲延安白川在海州東後西江潮西竇犖江
下流之北太山洪河大野長川萃合於此而且通湖湖沙平潤明
秀如中原江淮間風氣氣最爲可居亦有自漢陽流寓之士族
俾土脊易阜小宜木綿屋人喜以舟楫通江海之利東通二都
南通兩湖貿易遷交易常得奇羨大抵一道處國都西北地險平

咸俗喜弓馬而鮮文學之士介山海間有鈇鐵綿絮稷稻魚塩
之利故雖多富厚者亦少士大夫家矣然野中八邑土既膏沃
海上十邑地多名勝亦非不可處之地二勢陟小西海三面負
海狎東一路當南北通行之蹕然北有崑嶺南阻重江表裡山
河內多崑險城郭又有沃野腴原真天府用武之國也天下有
事當為要衝爭戰之地此其所短也

江原道

江原道在咸鏡慶尙間西北陞黃海岩山免山免等縣西南與高
州忠清二道相接嶺脊自鐵嶺南至太白橫亘如天山際嶺
之東有九郡曰歙北谷北咸鏡安邊接壤曰通川曰高城曰杆
城曰襄陽曰江陵故穢國訃都曰三陟曰蔚珍曰平海南與慶
尙寧海府接境九郡皆在東海上南北相距雖千里東西如咸

鏡未滿百里峯脊既阻由北而東南并海遠通地勢雖局但居
太白下、野之山多但平秀東海無潮汐故水不渾濁號為碧
海無汙港島嶼之遮蔽如臨大洋平塘濶遠宏壯又地名湖
奇岩登高則蒼海茫々八洞則水石窈窕景物宗為國中第一
樓台亭現之勝國人跡為關東八景在歙岩為侍中台在通川
為叢石亭在高城為三日浦在杆城為清桐亭在襄陽為青竹
湖在江陵為鏡浦塔在三陟為竹西樓在蔚環為望洋亭九郡
之西則為金剛雪岳五台頭陀太白等山、海之間多奇勝處
洞府幽深水石清潔或傳仙靈異迹出人重遊行其父老喜我
妓樂酒肉跌宕湖山之間以此為大事子弟化之少治文學亦
以其絕遠於二京自古少頭達者惟江陵頗出科甲且土深薄
水田種一斗莖收十籛斗惟高城通川最多水田而不甚破薄

云次則三陟水田種一斗收^四十斗然三邑人物不出大都九
郡皆濱海^漢庶民專以漁採煮鹽為生雖土薄亦多富厚者^但西
嶺太高如異域且一時遊賞非久居處也江陵西為大岡嶺
北為五臺于峒之水於是出乎是為漢江之源大岡嶺之南歷
双溪白鳳兩峯為^頭顯陀山上有古人所築石城下有重峯寺
北即江陵臨溪驛高麗時李承休隱此而近者察訪李蓄亦不
仕而等室其中山中少開平原有水田且溪澗岩石絕勝宜耕
而且宜漁是則一洞天也溪由寧越上東水邑前臨洋西麓南
為旅善餘粮村于峒之水自^北杜繞村而兩岸頗蔽岸上長松白
沙掩映清波^真真隱者所居但恨無水田然村民皆饒給溪列寧
越邑東自上東水合又稍西有酒泉江合西江之內有瑞宗莊
陵肅廟於丙子追復位改封陵且建六臣廟於其傍甚盛萃也

大抵北自淮陽南至旌善皆亂山深谷水皆西流入漢江多燒
畬耕作水田甚少風氣高寒地脊民魯峽村雖有溪山之奇可
一時避兵不合世居惟春川原州差勝春川在麟蹄西水陸西
南距漢陽二百餘里府治北有清平山、中有寺、傍有高麗
處士李資玄鵠郊菴古基資玄早歲以祀族不仕宦隱居脩道
於此及卒寺僧建浮屠藏骸骨今尚在山南十餘里昭陽江
為猶國千年古都局外有牛頭大野樓武使彭吳通牛頭州即
此地也山中洞展平野二江灌注於中風氣固密而江山清曠
土地饒沃多世產士大夫原州在寧越西為監司所治西距漢
陽二百五十里東連嶺峽西接砥平縣山谷間錯開原野明秀
而不甚險阻介於嶺間輸東海魚鹽人蔘檳榔宮殿之材為一
道都會近炭有事易以隱避近京無事可以近取故漢陽士夫

亦巢居於此東有赤岳高麗穀於元天錫隱居於此以教授諸
生我太祖在潛邸時使恭定大王以絲角往奉於穀於孝成而
敏十八中制科及太祖成化回軍有禪代之衛穀岩作書諫之
久之恭定大王登極幸赤岳訪穀岩之避不見只留昔日所繫
牌老樞上問先生處答以性太白山尋友笑上仍厚贖老牌
以穀岩子授沂川縣監留官誥而去人謂高過嚴陵非桓榮伐
伐者可比北有橫城縣邑沿峽中開拓晃然昭曠水綠山平別
有一種難航之清氣境內亦多居世士大夫東北受五台以東
水西南至原州為蟾江入于興元倉與忠州下源合村在二江
間以大江為電帟紐結於村前為深潭而五台之西赤岳之脉
至此大盡江外山岡銀於左右地理最佳茲為江原一道南京
翰會之所多世宦士大夫亦多以舟楫致富厚者昔光海朝白

沙以踪跡危艱托鄭忠信相上遊退居履忠信至此西地形以
獻白沙欲卜居而會諫北青不果然地迫兩江無水田不能兼
農利村東南踰崗麓為德原村東勿忠州青龍里接山谷間多
水曰泉石清幽亦可隱居缺領全剛之水南下為春州津江
至龍津水于漢江而自春川渡江而西有揚口金化金城缺急
平席安峽伊川七邑皆在京城之地黃海之東其中缺原府為
恭封王子裔所都弓裔者新羅王子少無賴長為賊於竹山安
城之間據有高句麗嶽之屬自稱王以殘虐為其下所逐而
王太祖遂有郡下推戴是為高麗之駟除耳邑雖隸江原郡野邑
西與京師長瑞接壤土雖瘠大野廣山平湖明朗在二江內亦
峽中一都會也然野中水深之黑石如虫餘是可訝異自漢賜
東渡龍津歷楊根砥平踰葛峴則為江原境又東行一日程則

津

為江陵府西境雲橋驛昔余先大夫癸未間出守江郡余時年十四隨板輿行自雲橋至府再大岡嶺無平地高嶺踞在萬木中仰不見天日者凡四日程自數十年前山野皆被開墾為畊稼場而村落相接山無村木以此推之他邑亦可知其全然可見聖代生肯之南繁而山川亦少勞困矣舊產人卷處皆巖西深茨山臺野燒故參出處漸罕每水滂山崩除水漢江而漢水亦漸淺矣

慶尚道

慶尚道地理最佳在江原之南西勿忠清全羅接界北有太白山堪輿家謂漲天水星^左出一大枝南東海止於東萊海上右出一大枝為小白鶴城主屹義陽青華依離黃岳德裕智異等山止於南海上西枝間沃野千里潢池天戈之澤在太白山之

上峰下穿山而出自南北下至礼安東折而西道安東而南至龍宮咸昌界始南折而為洛東江洛東者謂尚州之東也江入于金海畫崖一道中央江東謂^左道江西謂^右道兩枝又大合於金海七十州全一水口^世大島上右內有百里之國甚多至新羅出而皆伐取諸國而一之新羅享國千年都度州即古邗稱離林君子國也今稱東魚置府尹以莅之州治在太白左枝中央形象言回龍顧祖向西北開局中之水東流為大江入于海有新羅時半月城鮑石亭桂陵古址新羅既盡取嶺南諸國而又開麗濟之亡統一三國矣末葉女主當^新政令不行崇佛大過寺刹遍於山岌齊民化為緇髮而弓商擾麗甄萱叛濟至麗太祖出而混一麗濟則新羅又納出歸附矣新羅時北阻大氏及契丹專以海路朝天冠蓋相屬群名文物薰致中

國頗斐然可尚自高麗至我朝又幾千年上下數千年間一道
之內多將相合卿文章德行之士勿夫立勳樹節之人仙釋道
流跡為人材府庫我朝則宣廟以前東國皆是道之人四賢從
祀文廟者又是道人仁廟勿樂谷李珥牛溪成渾白沙李恒福
門生子弟靖亂自是偏用京城世家今百年之間自嶺南為判
書者二人為亞卿者四五者無拜相者高不過三品下不過州
縣然古先輩遺風餘澤至今未泯俗尚禮讓文物至今科制之
多甲於他道然左道土瘠民貧雖險商而多文士右道土沃民
富喜豪侈而愉惰不力於文學故少貴顯之士此其大較也然
土地饒瘠或錯異人材亦錯出矣禮安：東嶺興崇川醴泉等
邑在太白山之南茲為神皋補地而太山之下平山廣野明
秀清朗白沙堅土氣色宛生如漢陽禮安即退溪李滉之鄉安

東即西崖柳成龍之鄉，人即所產并立祠俎豆之故茲五邑
隣比相近最多士大夫而皆退溪西崖門人子孫也明倫翁重
道學雖孤村殘里輒有讀書群鷄衣冠牖亦皆道德談性命矣
近侵衰薄急謹而拘碍嶮岨少實而喜口說爭競亦可見古今
之不相及矣然左道諸邑皆不及此安東府治在花山之南潢
水自良至青松邑川涎哈河至合于善方繞城而西南去南有
映湖樓高齋恭愍王南遷時宴遊於此樓上其扁額即恭愍筆
也樓北有新羅時古刹今廢而無僧其正殿雖立野中不少傾
頽人比之魯靈光西有西寺、有開帝廟石像即壬辰天將
討倭時所建東南有歸來亭即古臨守李浹所建東有臨清閣
即李氏世廬也與映湖樓并為邑中名勝自州北可二百里為
太白山，下有奈城春陽才山召川四村皆漫炭、砥保聚通

江原沿海魚塩之利而又可以避兵避世四村東有英陽真寶
二縣大同俗而自真寶東踰注嶺即寧海地也北自江原道平
海持自安東南渡潢水有八谷山、北潢南有蔚城等八邑九
其東南則慶州北自寧海南至東萊凡九邑在嶺脊之外亦南
北長而東西狹并逼海有魚塩之利狝慶州於九邑中為一大
會尚有古郡諺俗八我朝為晦齊李彥迪之鄉公山南大江西
然谷東南為河陽慶山慈仁等邑一道名可以城守者惟然谷
邑治城郭在萬仞山上截臨南北大路為要害巨防大邱即監
司所治也四山高塞而中莊大野、中為琴湖江自東而西而
合于洛東下流邑治在江之陰處一道中央南北道里甚均亦
形勝都會之地也大邱東南至東萊有八邑土雖沃近倭不可
度惟密陽為佔畢齋金宗直之鄉玄風為寒暄堂金宏弼之鄉

挾江而與海近有魚塩舟船之利亦繁華勝地也漢陽譯人輩
多留宿重貨於此與倭通互市之利密陽東南為東萊即東南
海上自倭登陸之初境也自壬辰前於邑南海上初置倭館周
圍數十里設木柵為限置卒而防之禁我國人出入交通而每
歲對馬島人受島主文引數百人來留館中朝家割慶尚道租
稅若干與之所留倭以一半貢于島主以一半廩用無所事只
將彼此書信與貨財交易之事而亦不即與價次約歲以年流
割謂之被執倭一國多瘡衆而有土疾若以人蔘投水盃則瘡
濁融和故最重人蔘深處倭皆購得於馬島朝家歲有領賜是
數而嚴禁私鬻然以利重故雖誅之不能禁近來防禁漸弛犯
者衆而我國人蔘日漸翔貴矣昔莊憲大王特遣將討對馬島
平之不置官守而復以與島主其時必不館倭此不知防於何

時而實無意義此島既不屬倭國居兩國間借倭而要於我借我而又見重於倭為蝙蝠之役自固其利討而臣屬之上也不然則使島主歲一來朝而臣服則當以賞賜例厚遺之如前願可也至於等館留餽輸賦與之此則殆近貢獻名跡不正可坐罷也蓋馬島土甚薄人稠象鹿末起而為盜於海上者皆此島人也或欲其安之而不使為寇然姑息苟且古無如此之例况既在境內又有變服學語伺察國事之慮壬辰又無故撤歸亦可見毫不得力於兩國爭戰之際而反有害焉然行之已久又不可平遠生梗此當先之以兵威而後更以約束也右道則聞慶在島嶺下北有主屹之勢南有大灘之固西有滕陽青華東有天柱大院四山中頗開野為嶺南界首邑當南北大路壬辰倭之北上也至大灘大畏之調知其無守然後始過至島嶺亦

然、崑邑而在重陰中堪輿所謂少脫殺南則為咸昌野咸昌之南為尚州一名洛陽嶺下一大都會也山雄野濶而北近島嶺通忠州京圻東臨洛東通金海東萊馬運船載南北水陸走集便於賈遷故也地多富厚者又多名儒顯官鄭愚林經世李蒼石墩皆是州人州西則火嶺、西即忠清報恩地火嶺為蘇齋盧守慎之鄉東則仁同為旅軒張顯光之鄉南則善小川比尚尤清明顯秀故諺曰朝鮮人才半在嶺南之人材半在杜一善故舊多文學之士壬辰天將之過此也術士忌外國多才使兵卒斷邑後疎熾熾矣之且挿大鐵釘壓住而自是人才衰蕭不出金山西即秋風嶺、西即黃澗也黃岳德祐以東水合為甘泉東入于洛東臨川為邑者知禮金山開寧與善山俱享灌溉之利水田極膏沃人民安土畏罪遠邪故多世居士夫金山

卽崔判書善門之鄉善山有金鳥山卽吉注書再之鄉崔立節
魯山吉立節前朝甘川南則為碑石山、南則星州高靈之古
伽倻國也又南則為陝川並在伽倻之東而三色水田為嶺南
最上腴少種多收故土著並富饒無流移者星州則山川明秀
自麗多聞人顯士至我朝東岡金字顯鄭述並是州人陝
川南則三嘉南冥曹植之鄉金字顯鄭述與鄭仁弘皆南冥門
人也仁弘以學者自名而傳南冥改退讓從遊者甚衆四隣多
被其娛及東岡之致政歸也避仁弘不歸星州而卜居於情州
昂坐山下以終仁弘光海朝為大北領神官至議政至仁祖及
正親仁弘于市然星州人士喜治行義保家是兩岡翰澤也德
裕東南為安陰縣是桐溪鄭蘊之鄉官至吏曹參判丙子清兵
之圍南也蘊以為急不可背明降清仁祖下城蘊以刀刺腹而

絕其子孫納腸縫任久而得甦及清兵之回卽還鄉終身不復
仕于朝安陰東居昌南咸陽山陰在智異北四邑並土沃而咸
陽則尤稱山水窟與居安並稱名鄉惟山陰、晦不可居四邑
之水合為澄江猶晉州邑南于洛東晉州在智異東為大邑
多出將相之材土肥而且有江山之傑士大夫誇富豪喜治第
宅亭臺雖不仕宦有遊間公子之名壬辰邑為倭陷倡義使金
千鎰兵使崔慶會死之士人立祠祀之朝家賜額忠烈以褒獎
肅廟朝牧使其故重修廟宇請助於兵使不聽牧使獨捐捧修
錫廟貌一新牧使夜夢衆武將致謝且曰公文官而尚念吾輩
彼兵使以武將不之顧當治其罪及曉聞兵使夜間暴死鬼神
之理不可謂無州東為宜寧州詳與晉州大同澄江南十三邑
自古少顯者迫海隣傳水泉皆瘡不可居惟河東為一壺鄭汝

昌之鄉在智異南與全羅光陽縣接界故曰左貴右富間多千
年多村然地僻遠於京城非本土人士大夫未易遽往不但勢
不可往時亦不可往也

全羅道

全羅道東與慶尚接界北則忠清本百濟地後百濟甄萱羅末
據其地與麗太祖屢攻戰數嘗危及平甄氏恩百濟人以為車
嶺以南水皆背走遺命勿用車嶺以南人至中葉間或有用登宰
相者亦罕少小戎朝此禁遂弛然饒沃西南瀆海有魚塩稻稷
絲絮芋楮竹木橘柚柿之利俗尚聲色富侈人多儂薄傾巧而
不重文學故科第顯達遜於慶尚蓋人少以文學砥厲自名故
也然人傑地靈亦自不少奇高峰大升光州人李一齊恒扶安
人全河西構厚長城人並以道學稱高齋峰致命全健三千鎰

俱光州人並以節義稱尹孤山善道海南人李點齋尚馨南原
人並以文學稱鄭將軍地鄭錦南忠信并光州人亦以將帥稱
吳贊成謙光州人李謙政尚真全州人以宰相顯達而文翰則
古阜白玉峰光勳靈巖崔孤竹慶昌寓居則申府尹末舟居淳
昌李貳相繼孟居全提李判書俊白居海南林判書堉居務安
丹學則南宮道士斗成悅人權青霞克中古阜人又以脩鍊方
術著名皆磊落雄俊揚聲於後世者也德裕山在忠清全羅
慶尚三道之交會西出一枝至全州東為馬耳山雙石峰峰秀
八天昔恭定大王講武于湖南以有命名自馬耳一脈西南行
從任實全州之交一西為金溝母岳止於萬頃東津二水之內
一西南為淳昌復興山為井邑芦嶺是為南北通行大路自嶺
分去西止靈光西南止務安北止扶安卞山又東南為潭陽光

州以下之山腹輿據一道中央挾兩山開野大作洞府溪水東
沉人謂可置城邑肅廟朝欲置兵營於此赤果馬耳北行為珠
翠山在鎮安全州之間西出一脉為全州府是為監司所治東
為威鳳山戒稍北有猗猗峰出一脉至府西為乾止山誘傳祖
陵所在當子庚戌令監司盡移民塚限十里封標禁養乾止一
脉西去為德池極深濶過池為平岡盤固於大野逆受萬里洞
水地理最佳實為可居處珠萃以西諸谷之水由高山縣入全
州境為粟澤良田浦五百州大溪灌溉土為上腴有稻魚薑芋
竹柿之利千村萬落養生之具畢備西斜灘通舟船魚鹽府治
人物稠衆貨財委積與京城無異誠一大都會也芦山以北十
餘邑皆有瘴惟全州清凉最為可居珠萃北一枝西下為炭峴
龍美止沃溝炭峴外西也有礪山等五色礪山與忠清恩津接

壤土粘有瘴不可居龍美山上有箕准故都城闕形止而山一
枝北走礪山西北為彩雲山一孤峰特立野中上有養蔭靈泉
相傳百濟時義慈遊宴處由彩雲度一小坳為黃山村石山臨
江陡起與恩津江景村隔小浦通舟船為勝地西則龍安咸悅
臨陂而并在鎮江之南惟臨陂五城山特秀異逆江開局有西
枝浦大村為舟船停泊之所與江景黃山并稱江上名村臨陂
西則沃溝臨西海有自天臺一小麓直入海汀而上有二石籠
新羅崔孤雲為太守也藏秘書於籠中籠即一巨石委置之麓
上人不敵聞人或牽動則海上風雨暴至村民利之每旱乾聚
數百人用大繩曳之則海雨驟至田疇霑足每使客至縣輒往
觀之頗為邑弊縣人苦之舊有亭百年前毀其亭且瘞石籠以
泯迹而今無往觀者炭輜之東為高山縣龍美之南為益山縣

并有瘴而高山。水尤險惡。土雖沃。決不可居。毋岳之西為沃
潯。萬頃二縣。水泉頗有清而山亦脫。殺紆回於野中。二水等氣
脉不解。頗多可居。慶其餘。近山。恭仁古阜。及濱海。扶安。茂長。皆
諸邑。舉有瘴。惟扶安。下山之旁。興德。長池。之下。土地既沃。又有
湖山之景。就其中。若擇無瘴。泉慶。則此可以居。止。茅嶺之西。為
靈光。咸平。務安。南為長城。羅州。此五邑。則水泉無瘴。不比。芦也。
靈光。法聖。浦。水潮至。匯停於面前。湖山。婉宕。閭閻。櫛比。人謂
小西湖。近海。列邑。皆置倉於此。為捧米漕運之所。長城。亦沃壤。
而山水又佳。羅州。為嶺下一都會。背負錦城山。而南臨靈山。江
邑。治局。勢恰似漢陽。自古多名宦之家。靈山。江西流為務安木
浦。沿江多名村。塢。渡江為大野。東接光州。南通靈岩。風氣恢暢。
物衆地大。村落星布。且館西南。江海輸會之利。與光州并稱名。

邑羅州西為七山海。舊深近為沙游。所塵漸淺。每潮至。不過沒
膝中央。一道如江。身舟從此行。羅州西南為靈岩。郡。郡處於月
出山下。月出山。極意清秀。為火星朝天。南則為月南村。西則為
鳩林村。并新羅時名村也。地處西南海交角之上。新羅朝。唐皆
於此。郡海上發船。乘一日海。至黑山。島自黑山。乘一日海。至紅
衣島。又乘一日海。至可佳島。良風三日。乃至台州。寧波府。定海
縣。苟風順。則一日可至南宋之通高麗也。亦自定海縣。上發船
七日。而可至麗境。登陸即此地也。唐時新羅浮海入唐。如通津
要渡。而舟航絡繹。崔孤雲。致遠金。可紀。崔承祐。附商船入唐。並
中唐制科。孤雲為高駢從事。長於四。今儼文所載。黃巢檄。即
孤雲。筆孤雲。與金崔。西人逢申天師。於終南山。寺得內丹秘訣。
後歸東國。并修鍊得仙。復興東。為任實淳。昌南原。求禮。并山郡。

也馬耳南洞之水由任實南至南原合蓼川為潺水鴨綠津水
西即玉果同福谷城也水自鴨綠始東折而為岳陽江通南海
潮汐循智異南為蟾津南入于南海是以蟾津為全慶分界南
原城郭即壬辰天將楊元所築而丁酉為倭所陷地尚有隱
殺氣東踰一嶺即雪峰縣在智異北八良峙上即全慶通行之
大路前有荒山麓末我太祖大鐵傳寇於此府東南為星園邑
有崔氏世居頗有溪山之致又南為求禮縣自星園至求禮通
為一野多畝種水田求禮西有鳳洞泉石之奇東有華岩燕谷
之勝南則為九灣村自任實至求禮沿江上下多名區勝堅又
多大村塢惟九灣臨溪水上江山土地與舫鱗魚塹之利最為
可居處然南原求禮皆在智異西與水西三邑並舊有瘴稱惡
土近以清涼之復興南枝由潭陽昌平為九州無等山東即

玉果三邑西南為九州和順南平綾州在靈巖東北惟九州西
通羅州風氣遠敵自古多名村又多貴顯之人靈巖東南海上
有八邑大同俗惟海南康縮耽羅出海之口有馬牛羊皮珠津
貝橘柚驪竹之利然八邑俱地踔遠通南海冬月草不凋蟲不
蟄山嵐海氣蒸為瘴癘且密通日本土雖膏沃非可居樂土也
自海南縣三洲院石脉渡海為玳島郡水路三十里而碧波亭
實嘗其口水中石脉自院至亭橫亘如梁而梁上梁下截如階
級海水至此日夜自東趨西如垂瀑而甚急壬辰倭僧玄蘇至
平壤抵書義州行在所日水軍十萬又從西海來當水陸并進
不審大王龍馭自此何至云時倭水軍自南海北上水軍大
將李舜臣任劄海上打鐵釘橫亘石梁上於以俟之倭船至梁
上曾於鐵鎖即倒覆於梁下梁上船不見底處不知其倒覆意

其踰梁而順流直下皆倒覆且水勢近梁益急船已入急流中
不暇回旋而五百餘艘一時全沒隻甲不存蓋其時沈惟敬紹
傳使久留平壤傳則別待水軍偕上故又佯示守信欲紹之以
須後而水軍久不至李如松於兩相結中得間而襲破之此天
也苟非舜臣覆傳於洋中則不越數十日傳船可達平壤水軍
至則傳豈守惟敬之約而不縱兵乎其時又不知此以區區封
貢之說謂可得傳情良可笑也然則如松平壤之功即舜臣之
力也其後天將陳璘駐兵海上丙申丁酉間傳以水軍連犯海
上諸縣舜臣善水戰屢破傳獲傳級輒以與陳璘使上功璘大
喜移書朝堂曰統制使有經天緯地之才補天浴日之功云云
璘以舜臣故得賊級最多及戊戌撤歸璘所上級獨多於諸天
將後見明使論東征功以璘為首而至張士受封中國又何知

此舜臣之功也楊鎬有功而被逮陳璘因人而成功獨受豐賞
皇朝賞罰之顛倒有如是矣大抵全羅一道在國之最南土產
饒沃然山郡以泉溪灌溉故少歉多收海邑以隄陂灌溉而自
新羅以來大隄陂入戎朝為不廢棄故穀早少收而昔凍水公
稱閩人狡險至朱子時賢者輩出苟賢者居之曰其富饒之業
教以禮讓文行亦非不可居之地且山川多奇勝而自麗至鮮
不甚顯亦當一省鐘毓但即今地遠俗渝不可居

忠清道

忠清道在京畿全羅之間西與海接東與慶尙接東北角邑忠
州等邑斗入江原之南：一半在車嶺之南迤全羅北一半在
車嶺之北隣京畿物產之多不及二南然山川平嫩居國之近
南茲為衣冠淵藪京城世家無不置田宅於道內以為根本之

地且其風俗近京與京城無甚異故寔可擇而居之忠清監司
治公州即百濟末唐劉仁願所置都督府也距漢陽三百里在
車嶺南錦水之陰自公州渡錦水踰車嶺歷天安稷山北至京
畿陽城從振威水原果川以至京師沿路稷山以北皆野散土
瘠多草寇不可居忠清則內浦為上自公州西可二百里有
伽倻山西則大海北則與京畿海邑隔一大津即西海之斗入
處東則為大野；中又有一大浦名曰由官津非俟潮滿則
不可用船南則隔烏棲山乃伽倻之所從來也只從烏棲東南
通公州伽倻前後有十縣俱踰為內浦地勢斗絕一隅且不當
孔道故壬辰丙子南北二亂俱不到地饒沃墳衍平曠魚鹽至
賤多富人又多士大夫也居然近海多瘡瘡山川雖平善迤濶
少秀拔之意丘陵原隰雖嫩軟細小而乏泉石奇勝景之其中

惟保寧山水最勝縣西置水軍節度營、有永保亭湖山景致
悅若平濶踰稱勝地也則結城海美西隔一大浦為安眠島三
邑在伽倻西又北則泰安瑞山與江華南北相對而隔一小海
瑞山東則沔川唐津東隔大浦為牙山北斜與京畿南陽花梁
隔小海相對此四邑在伽倻北伽倻之東為洪州德山並在田
宮之西與浦禮東山新昌舟船通漢陽甚捷洪州東南為大興
青陽大興即百濟任存城茲十一邑並在烏棲以北烏棲以前
一脈西南行為聖住山；西即庇仁藍浦吐拉膏沃西臨大海
有魚鹽稷稻之利山南則舒川韓山林泉臨鎮江上宜苴二利
甲一國居江海間舟船之利不斬漢陽鎮江南即全羅境也山
東北有馮山定嶺在林川北東與江景隔江定在青陽東與公
山接壤茲七邑大同俗又多士夫世居者而惟青陽定山二

邑地皆瘴泉不可居公州境界甚廣跨據錦水南出人為之
誘曰一儂城二敬天三利仁四維鳩言可居處也州東南四十
里為鷄籠山即新羅馬耳之盡脈也在錦江南山一放西下大
斷為板峙起而為月城山為州之鎮山錦水自東至州北南折
而為熊津為白馬江為江景江又西折而為鎮江入于海自州
東循江南岸鷄籠背後踰重嶺為儒城大野即鷄籠良維也鷄
籠南洞國初欲都而未果是洞之水畫一野之中自西流東與
珠山玉瑛合北入錦江名甲川東即懷德縣西即儒城村及
鎮岑縣也東西兩山自南抱野至北合又高障四山環繞野中
平岡逶迤嫩麗精秀九峰山與寶文山聳峙於南清明氣像殆
過漢陽東郊田地極善且廣但海汙稍遠西仰江景之輸易然
江景不滿百里鷄籠坤維有四邑皆在大野中西限江景津也

與公州接鷄籠四連峰一枝西下為敬天村在板峙南土沃山
雉民物富盛東則公州大在村西則尼山石城二縣又南則連
山恩津二縣也尼連近山土沃恩石處野土薄數被水旱之災
此四邑與敬天通為大野海潮從江景出入野中諸川谷通州每
船之利江景在恩津西野中一小山臨江斗起向東逆受二大
川於左右後背大江通潮而味不甚鹹村無井一村埋大瓮於
地汲江水入瓮留數日濁滓下墜上則清爽雖多日味不變逾
久逾冽有數十年得瘴疾者一年飲此水輒去根或江海曰相
和處半鹹半淡之水寂已出疾而此江水為上云恩津南有沙
梯川東南通珣山境乃八十里長谷而皆瘴泉瘴土不可居公
州西南為扶餘臨白馬江即百濟故都有釣龍臺落花香自溫
臺阜蘭寺五百濟時古跡而臨江巖壁奇秀景致絕勝且土極

沃多富厚者若以都邑論局少隘窄不及平壤慶州遠矣仁利
驛在扶餘東北公州之西山平野坦水田饒沃亦稱可居處錦
水之北車嶺之南土雖沃山不脫殺然臨錦水為亭者有四松
錦壁獨樂四松即吾家錦壁為趙尚書庄獨樂為林氏舊物並
有江山登之致眺州西北有茂盛山是車嶺西枝所結土山盤
回內有麻衣寺維鳩驛洞壑多澗水而水田饒沃且宜木綿黍
粟士大夫與平民一居於此不知年省豐凶多保全富厚而少
流離遷徙之患蓋樂土也地為山上結局然岡龐低回平善無
險厲尖觸之狀峰腰以上無巨石少殺氣故南師十勝記古以
維麻兩水間為避兵地西有一峴即內浦也內浦不宜木綿海
戶浦民以魚塩多買綿於此故公州惟維麻維內浦魚塩之利
是以平時亂世皆可居然地在山上結作故不見朝山而少清

明秀拔之意此其不及儒城也邑北有小山盤結於江上形如
公字州之得名以此也綠山形等一小城以江為壕地小而形
固昔仁廟甲子避逆亂幸此上有雙樹上每依此樹北望弓院
之野一日飛騎至詢之乃捷書也上大喜仍封雙樹加以通政
大夫之號後自官建小亭於山上今樹枯而亭存城中積糧餉
修器械與江華廣州屹然重地城北有拱北樓頗壯麗臨水
為勝宜廟朝柳西堦根為監司嘗登樓賦詩得一聯曰蘇仙赤
壁今蒼壁庾亮南樓是北樓蓋蒼壁在錦江上流而樓名拱北
也或謂徐凝惡詩而西堦自謂佳句俗離山南走大斷於秋風
嶺起為黃澗黃岳山入全羅為茂朱德裕山又自德裕大斷於
長水南原間西去而為任實馬耳山自此石山脈逆而北走
為珠旒山雲梯山大苞山爪忠清道背錦水而回為鷄籠山向

南背北道為大嶺一泓德裕馬耳之間東西諸邑川壑水合為錦江之源名赤登江自南北走至沃川東又合俗離之水西折而為錦江赤登之東為長水茂朱永同漢澗青山報恩西則為鎮安龍潭錦山沃川而長水茂朱錦山龍潭鎮安為全羅境沃川報恩青山永同黃澗為忠清境茂朱長水在德裕山下多窮林邃壑山勢拂鬱永同在俗離德裕二山之間東有秋風嶺嶺為德裕過脈息交處名雖嶺實則平地故山雖多不甚壯亦不甚低平而岩石峰岫俱帶潤澤和澍之氣溪澗清澄可愛無粗惡驚急之狀土地亦肥厚水多易溉少旱災青山亦然北接報恩而報恩土甚薄惟館舍在俗離南甌項西海澗土沃最為可居二邑俱宜秦民以賣棗為業報恩西懷仁縣在萬山中邑至小而有楓溪村可居鎮安在馬耳山下土宜烟草凡係境內

則雖高山絕頂種之無不茂茁居人多以此為業北則龍潭溪山奇勝有珠萃泉半日巖可以避兵其北則錦山又北則沃川也錦沃亦多石山然皆於野中雜其沃川北限錦江西與懷德隔一嶺山水清潔土色明秀如漢陽東郊故野甚瘠薄水田所收無多居人惟種綿為業蓋地最宜綿也然自古多出文學之士南學士秀文宋尤齋時裂皆是郡人錦山則東限赤江西限大屯中間有釣溪進樂二山又多山川易灌溉故田土頗饒無有水石之勝於十邑中最可居也俗離山在清州東百里山上之水東注者入慶尚洛江西走者入錦江北走者為忠州達州入漢江山脈一枝北走為巨大嶺夾達川西北至京畿竹山境為七長山七長嶺漢水西北行者為漢南諸山西南行者為一嶺脈在鎮川則為大門嶺在木川則為磨日嶺大斷於全義邑

西為平地至錦北為車嶺又西為武城身接南至於林川韓山
北至於義安瑞山磨日嶺以東巨嶺大以西中開大野東西二
山之水合為野中為鵲川之發源於鎮川七亭之東南入於錦
江上流芙蓉津鵲川之西傍西山者木川全義燕岐川東傍東
山者清安清州文義其中清州最大在公州東北百里邑在巨
大嶺下地越鵲川西介入木川燕岐之間止于西山之一帶委
蛇南下者皆土山無石盤回於鵲川以西北自木川全義南至
燕岐山邑紆場婉媚野勢重複回互堪輿謂之脫殺此錦沃尤
平善土地甚肥沃宜五穀水綿鵲川之東為大野東南通四十
餘里野中有一山八峰名八峰山自南向西北岡麓盤據野中
東與巨大嶺相對白沙淺川平岡嫩麓恰似京畿長湍邑西向
地低而南水高歲患漂圯傳末鄭道傳以宰相為大祖謀臣忌

牧隱李穡陶隱李崇仁諸賢自疏取拿致清州獄遣官莅鞠方
訊因日大雨暴下頃刻水冲城門至官庭獄官及罪人攀庭樹
望免事聞大祖亦知其寃命釋之然崇仁被道傳所忌尤甚竟
殺之地東高南虛隱之恒有殺氣州置兵馬節度營及戊申賊
將李麟佐起兵夜襲殺兵使李鳳祥營將南延年遂據城叛留
其黨中天永為兵使盡起邑兵北上至安城為撫巡使吳命恒
所敗東踰巨大嶺則為上黨山城又東則為清州倉之西為申
氏村南踰小嶺為引風亭玉派臺為卞氏所居大山間川谷巖
石頗有幽致又東渡大溪則為龜灣溪山絕勝上黨清州通謂
之山東而地在山上風氣凜冷不及清州之野矣南有俗離東
阻山遊北則俗離之北去者彎環曲抱障北通南內多名村塢
地產鉄耳饒棺榔官殿之材野中皆人於此質遷自青州東北

數十里有松面村在開慶槐山清州三邑之交溪山頗佳青川
南有龍美洞西南逼近俗離而不甚險小開郊垆然土甚薄但
有峽砥保聚南則栗峙龍美之水與俗離之水合于青川北注
槐山松溪南北上下多臨水為勝者北鎮川之則比清州小野
而多山三谷回複而又多大川然無滂鬱之氣土頗沃西北踰
大門嶺則為安城稷山地海門堇百里故亦通魚鹽之利文義
則南臨荆江山邑少蒼鬱然臨江多勝地惟清安山水鄙野不
可居自木川磨日嶺以西內浦以東車嶺以北有天安稷山平
澤牙山新昌温湯禮山等七邑大同俗然南則山峽近山峽則
土沃宜五穀木綿北則浦淑近浦淑則土鹵沃黍羊雖有魚鹽
舟楫之利不宜木綿天稷則為南北大路自稷山行平原二十
里原盡而為素沙河之北即京畿南界宣廟丁酉倭破楊元於

南原從全州北上公州兵勢甚盛時邢玠以摠督駐遼東經理
楊鎬率十萬兵新改平壤方夕食於練光亭飛馬報至鎬下筋
一聲砲即上馬南下馬軍踉蹌先隨而步軍又隨後自平壤至
漢陽七百里而一日二夜馳到使健將解生擺賣賽貴楊登山等
四將率鉄騎四千扶弄猿數百騎狙伏於素沙橋下原盡處望見
倭自稷山如林而北未至百餘步先縱弄猿之騎馬執鞭馬
馬突障倭固本無猿始見猿似人非人咸疑恠之駐陣而皆
停足眄望既逼猿即下馬入陣中倭欲擒仔猿善躲避貫穿一
陣之亂解生等急縱鉄騎蹂之倭不及施一銳矢而大崩潰南
走伏屍蔽野捷至鎬始整兵南追至慶尚海上自倭犯順未有
若此之衄其揮霍之謀節制之功過李如松平壤之戰而主事
不應恭憤鎬不関由於已而獨成功誣羨偽捷鎬遂被劾去而

此一事和皇朝不可為矣宣廟發使為鎬辨誣丁遂革職而
丁附東林其子訟其父於東林黨中錢牧齋信之而記之於
集中亦可見東林之虛疎而君子之易欺也野中耕者至今或
得刀鋤才戟之屬由宮浦至北與素沙河合兩水處會間為牙
山縣七長大脈至稷山聖居山撤下一脈於野中由成歡驛而
止於牙山靈仁山即縣之鎮山也山自東南向西北而素沙河
下流至是滙滄於向前背後曲橋大川自東南來會于西北
成方合大湖：南一山自新昌至湖北一山自水源至交紐於
水口如門水出門即與由宮浦下流合而公山如大船掛帆
全身皆石而屹立於中流如渤海之碣石朝氣置倉於靈仁山
地盡頭收忠清近海諸邑賦稅歲漕至京師故名為貢稅湖
地水饒魚鹽而以倉故人民多聚商賈萃會多富貴之家不但

倉村為狀靈仁山既止二水間而氣脈不鮮左右前後皆名村
多士大夫之家由宮浦東西諸邑皆通舟楫而其中禮山為居
留都會之所車登西去者並離為廣德山又離為雪羅山在溫
陽東如閩中莆田壺公山秀出天中形如卓笏以此山為東南
吉方者牙山溫陽諸村多出顯達文學之士忠州在清州東北
百餘里自清州踰清安榆峴登槐山渡達川為邑治在漢陽東
南三百里俗繼九還八曲之水北至清州山東為清州至槐山
為槐江至邑治西為達川北至金遷前與清風江合壬辰天將
過達川嘗水味曰與廬山水簾同云邑為漢水上源水路便於
往來故京城士大夫自古多卜居於此自達川南許至槐江東
許至清風至多士大夫亭閣衣冠萃會舟車並集且居國都燕
方故一邑科第之多甲於八路諸邑足稱名都狀慶尚左道由

竹峯通右道由鳥峯通而二峯之路皆會於邑治水陸始通漢陽故邑治師當岬峯往來之衝有事為必爭之地而宋為一國中央如中州之荊州故壬辰倭之破中柱也亦於此地而常時殺氣衝天白日无光地勢走馮西北无停畜之氣故亦少富貴者而人民稠教常多口說浮薄不可居狀此以邑治論耳自邑治西渡連川則俗雜北行一枝自陽城縣西特起為伽粟山為芙蓉山一止於金遷一止於嘉興餘盤盤回於連川之西地宜五穀木綿土極饒沃山谷間村鳩錯居多富厚者而其中金遷嘉興最為繁盛金遷則二江合於前而繞出村北東南受峯南貨物西北通漢陽魚塩閭閻櫛比恰似漢陽諸江村軋軒聯絡為一大都會嘉興則在金遷西十餘里江自東南趨西北而村在南岸芙蓉山一支逆江特起為蕃薇山是為嘉興之主朝家

設倉於此收峯南慶尚七邑峯北忠清七邑田賦使水運判官漕至京師居民以主客與米出入時多財利致奇羨二村亦多資顯之家迦葉一帶外俗雜西行者名小俗雜山自此一支逆行為玉帳八聖等山止於秣馬里即已卯名賢十聖金世弼退居之地子孫至今世居而閭閻教百戶皆饒給自足前有大小川灌溉水田多畝種故自古凶歉歲距漢陽近二百餘里且通駟江水路案可居處也土人以金遷嘉興秣馬里與江邑內倉為忠州四大村自邑治西北七里許一小山在二江合襟內即新羅時于勤仙人彈琴處以此名彈琴台自始渡江而北為也倉有臨江岩石之勝倉西即已卯名賢灘叟李延慶之所居子孫十代科甲不絕人謂江上名基沿江而西為月灘即洪氏所居又西為荷潭即故判書金時讓所居又其西為木溪是為下

江魚堰船停泊出貫之所而東海漁鮮及峯峽貨物皆聚會於此下民居皆以販賣致富水溪西即青龍寺洞壑西與原州接壤狀東自北倉西至青松并稱江也諸村雖臨有江勝槩皆出薄不及大江以南達川之西饒沃矣水溪也十里為內倉村是千年名村山中開野風氣閑鎖土地甚廣多世居士大夫東隣月隱岑之東即堤川境也忠州東清即風府臨江有寒碧樓頗爽塏而無幽渺之致蹄為上游名樓府西有黃村江即權遂庵尚夏所居清風東丹陽丹陽也永春三邑并溪洞嶮險少開野處忠州東北為堤川一邑四向上山之上結局內則野拓山坵見狀明朗亦多世居士大夫狀地高風寒土脊無綿少富多貧亦有義林池自新羅等大堤障水以灌一邑之稻田西有候山亭即金氏物也雖不及峯東諸湖亦足以浮航而游北近平昌東接

寧越萬山深峽真可可以避兵避世延豐則任忠州南槐江東鳥嶺一派高障東南雖有溪山之致無顯者然土厚易灌木綿為上田延豐西則槐山地在鳥嶺及榆嶺兩峽間地勢狹窄擁腫然脫殺東臨大江多勝地名村亦多貴顯者土地宜五穀木綿北近金川亦可居處也自此東踰鳥嶺為聞慶西踰榆嶺即陰城自陰城西與京圻竹山陰竹接壤忠州之西與京圻竹山駱州接壤竹山七長山卓立於圻湖交界西北行大斷於水踰峴為平地復起為龍仁負峴山為石城山為光教山

京畿道

自光教西北為冠岳直西為脩李山以盡於西海自竹山又分一枝北行由陰竹止於駱州英陵是惟我莊憲大王所藏之地開土時得古標石刻曰當葬東方聖人術士言回龍坐子申水

入辰為諸陵中第一云竹山南有九鳳山回環可作山城且據
 圻湖孔道中央自竹山西由陽智散為漢南諸邑並村落凋弊
 風水悲愁無可居處水踰則自忠州沿江西下循原州駱州揚
 根至廣州北倉龍津為漢陽面水駱州邑沼在江之南距漢陽
 水陸未滿二百里邑西有白澗村一曲長江自英入良橫帶於
 前是為江上第一名壩水口關鎖不知江出與邑村通野東南
 曠遠氣色清爽二村并多士大夫也居之寂然白澗村人專仰
 舟楫商賈以代農而其贏得優於耕耘之家邑內有清心樓願
 得江山之趣江北有神勒時傍有江月軒臨江巖石奇絕
 江南叢下有馬巖下該傳駱龍所在南則利川陰竹大同俗
 北則砥平楊根與江原道洪州接壤亂山深峽皆不宜居楊根
 龍門山北有迷遠村昔趙靜菴光祖愛山水欲卜居余嘗見之

笑山中雖少恢拓地既深阻氣亦凄寒四山不雅前溪太咽非
 樂土也駱州西為廣州石城山一技北走漢江之南州治在萬
 仞山巔即古百濟始祖溫祚王故都也內夷淺而外峻絕清人
 初起兵不留刃丙子終不能陷仁祖下城只以糧少而江華被
 陷故也及事定視為保障重地建九寺實以僧徒設摠攝一人
 為僧大將每年進各邑諸寺丁壯僧使屯守九寺月課以習射
 優者賞以厚祿故僧徒專以弓矢為業蓋朝家以國多僧徒故
 借為守城之資城內則不險而城外則山角帶殺且重鎮不重
 事為必守之地故廣州一境不可居廣州西即脩李山在安山
 東自此西北去者為脩李最長之脈由仁川富平金浦通津為
 崩洪石脉渡江而起為摩尼山是為江華府一境東北環江
 西南海環為大島為漢陽水口之羅星漢水至通津西北折而

為甲申渡又南至摩尼後崩洪處石脉橫亘水中如門圍中央
稍凹是為孫石項南則西海大洋三南稅船至項外候潮滿越
過火不及周旋船輒冒破漢水之直西者循楊花北岸會後西
江水又循文殊並入于海江華南北百餘里東西五十里府置
留守官以莅治北則與豐德昇天浦隔江、岍皆石壁、下即
泥濘無泊再處獨昇天浦對岸一處可泊然非潮滿不可用舟
素号險津而左右不用城郭只尋墩始於左右山脚臨江處如
城之有雉內莊兵罷置卒以備寇東自甲申南至孫石項惟甲
申可用船渡餘岍如北岍皆泥濘故亦只於山脚臨江處尋墩
始以備寇如北岸一守昇天甲申兩路則島為天塹矣是以高
麗避元兵移都十年雖陸地糜爛終不能犯島入我朝凡三南
稅船皆從孫石項上京故以為海路要害既置留守官鎮守又

設防營於東南對棠永宗島使僉使鎮守仁祖丁卯清兵至黃
海平山約為兄弟而講和解去時靖人據遼瀋曰與皇朝鬪而
毛文龍又鎮檄島我朝以海路由登萊朝貢清人恐我朝之議
其後先遣間為政院皂隸知我國兵力衰弱欲掩襲時朝廷亦
慮清人之侵逼修葺南漢山城丙子春清人遣龍骨大探視龍
胡欲徃觀西江仙遊峯時全荷潭時讓為戶判瑞知龍胡欲觀
南漢山城令使卒整待迎候於東大門外龍胡佯向西門忽躍
馬出東大門見路傍設帳幕候待恠問之譯人言戶曹判書知
客使將往南漢預沿小宴於路次請客使中停龍胡大驚強笑
駐馬仍不往南漢而還時大諫多新進小輩不解事而自稱清
議請斬虜使龍胡聞之不辭歸、時大書一青字於壁上而去
青字十二月也是年十二月清人避義州由昌城乘冰渡鴨

江經城不攻三日而先鋒到弘濟院住不入城軍皆解鞍歇馬
示若不攻而以待後軍滿城惶駭兵曹判書崔鳴吉自請持牛
酒往犒問興師之故而以其先送世子二大君奉廟社主妃嬪
避江華上繼臨南門樓恐為胡所搶改路入南漢山城清大隊
至隨而圍之又四五日清皇帝始至見城高不可卒拔怒欲殺
龍胡以龍胡建策攻我也龍胡請限十日取江華以贖許之於
是龍胡率一枝兵到通津支殊山上俯見江華一島如掌而甲
串絕無防守遂撤人屋材作筏以渡島遂破仁祖聞之遂定下
城之計先是金瑬為首相意謂江都無虞擢其子慶徵為江都
防守大將使孳家屬避亂而以孳求救副之慶徵驕敏求浮
薄無遠慮曰蒲博沈醉大君與大臣勸其遣兵防甲津慶徵大
言曰胡兵豈能飛渡及城陷大臣金相容死之士族婦女殉節

者亦多或奔走海邊投水而死面怕浮水如亂雲而不知其為
誰氏女也及亂定或以被擄為投水而有旌門者其後朝廷懲
創前事修甓械積藹糧為陰雨之備百年無事江華見粮近百
萬石肅廟末年比歲凶歉多轉移各道為賑恤之資秋後或捧
留各邑京各司經費不足又請移米而軍糧歲漸耗縮今不滿
十萬石矣肅廟^{癸亥}酒侍臣以丙子事奏上即命等文殊山城蓋
以文殊不守則江華亦不可守也其後廟堂及諸帥臣多請移
通津邑治於城內為獨鎮使亂率一邑兵入保山城竟以議
不一未果當于丙寅留守金時赫狀請錄江等城朝廷許之如
赫使築城東西北自燕尾亭南至孫石項役畢上擢時赫正卿
未幾潦雨城圯而築城時遇平地泥濘輒鎮以土石作基故江
岸皆堅可通人馬沿江四十里處皆可泊舟而島始不可守

矣江華一脈從西岸行又以崩洪石脈過一小浦是為喬桐島
為開城外業島北則漢江水至此為開城面水南臨大海之
南即忠清海美瑞山等地海不遠兩岸山皆可望見西北斜與
青海白川延安隔浦相望大雖不及江華而一島全身皆石
離立海中朝家設統禦營於此置水軍節度使率京圻黃海平
安三道水軍以備海防然二島并地馮敷旱少收而民并以魚
鹽資生脩李西去者為最短之脈止於安山海上多京城公卿
家祖地且近京而饒魚鹽亦多也居士大夫修李南去者西南
行止於廣州聲串里為魚鹽浦村頗集近海南船民販魚為業
而致富厚東南行為水原州諱山止於海與忠清牙山縣障浦
而中間有金水山頂有池水如染黃相傳金產其中昔唐人望
氣者言山有金寶氣云金水別枝又西去為南陽府治由府西

文板峴西止於海與忠清唐津隔小海甚近二湖可通地勢左
右挾浦港直入海中塩戶數百星羅於南北海汙地盡頭為花
梁僉使鎮渡自鎮海十里為大阜島皆漁戶所居故南陽西村
獨專漁塩之利大阜島自花梁行崩洪石脈從海中過去而石
屈曲連亘脊上水甚淺昔有鶴鳥從水中石脊上步去島人
隨而得其路号為鶴指惟島人諳熟而他處人不知也丙子島
人為胡所逐步徙石脊行而石脊屈曲難尋故胡騎不知隨而
奔馬島遂獲全島土沃民象而為海船南來初程為華江永宗
外戶舊沒水軍營及移喬桐為牧馬場無矢備防守此甚不可
宜移花梁鎮於島中使與永宗犄角可也自此西行水路三十
里為燕興島麗末宗室翼壽君琦知麗祚將亡變姓名盡室浮
海逃匿於此島及燕亡琦免沉水之患子孫仍居今夷為馬場

牧子翼寧君所居屋三間封鎖至今謹嚴不許人見內儲書冊
咒血云而不知為何物也昔有一官員遊賞至島欲開鎖諸牧
子男女款乞曰開此則子孫輒有死亡之患故相戒不敢開者
三百年官負伶而止水原東為陽城安城已居所海湖峽之間
貨物委輸工商走集為漢南都會然邑治外雖平善內有殺氣
不可居水原北則果川自果川北行十五里則為銅雀津渡江
而北十五里為京城南門咸鏡道安邊鐵嶺一脈南行五六百
里到楊州殘山自良方斜區以入忽起為道峯山萬丈石峰自
此向坤方行少斷而又特起為三角山白雲臺自此南下為萬
景塔一枝西南去一枝南為白岳形家言衝天木星為宮城之
主東南北皆大江也西通海潮盤結於象水都會之間茲為一
國山水聚會精神之處昔羅僧道說留記述王者李而都於漢

陽故麗中葉使尹璫相地於白岳之南仍種李及繁茂輒芟伐
之以壓勝及我朝受禪使僧無學定都邑之地無學自白雲始
尋跡到萬景西南行至碑峰有一石碑大刻有無學誤尋到此
亦字即道說所立也無學遠路改徙萬景正南脈直到白岳下
見三脈合為一坪遂定宮城之址即麗時種李處也欲築外城
未定周圍遠近一夜天下大雪外積內消太祖異之命從曹立
城址即今城形也雖因山為址震坤低虛且不設雉不浚壕壬
辰丙子二亂皆不能守昔在肅廟乙酉朝家議改築都城或以
為東方太低若壅江灌城則盡為魚鱉議遂寢然茲為三百年
詳名文物之區仗風大振學士輩出儼然一小中華矣楊州地
川加平永平為東郊高陽積城坡州交河為西郊二郊俱土薄
民貧京城少可居處士大夫家貧失勢下三南者能保有家世出

邠者寒儉凋殘一二傳之後多夷為邑官平民矣漢陽前面既
阻大江獨西一路通黃海平安而自都城西去五里為沙峴踰
峴又有綠鬻峴唐將過此時謂一夫當關萬夫莫開云又西行
四十里為碧蹄嶺卽壬辰李如松敗兵處也倭自平壤敗歸漢
陽以羸兵弱卒出役於高陽縣如松在開城聞之貪擄獲立功
住大隊以輕兵掩之繇踰嶺倭四面大至如松麾下家丁多被
^銳銳死天將駱尚志素多力弓為駱千斤被重鎗挾如松於腋下
且戰且退僅以身免如松自此沮喪仍退師及聞倭離漢陽去
始整兵南追至慶尚而還二峴及嶺皆可設關門而一國無截
路作關之處故季棄天險良可惜也自碧蹄嶺西行四十餘里
為臨津渡卽漢陽北江下流而江岸南麓如天作城形且當西
路要扼臨江絕險真可守之地而不得不置城處也然至今不

等城絕可恨也渡津由長湍西行四十里為開城府卽高麗國
都也松岳為鎮而下為滿月塔宋史所謂依太山立宮殿者卽
此地也全寬教通編以此為金豚卧處道說所謂種繅之田也
謹按唐宣宗少時惟十六院久勞於外隨商船渡海至開城後
西江北見浦岸泥濘以舟中所載錢鋪地上登陸故至今予曰
錢浦自此至五冠山下寶育家寶育知唐貴人以少女辰義為
枕臨別知有娠遺一歌弓曰若生男則可持此尋中國來子名
作帝建及壯持父所遺歌弓習射精妙浹商人泛海入唐至海
中舟僵佃不去舟人大懼約投笠卜吉凶雖建笠沉水中遂具
糧下建於島使侍每回建獨在島中一童子自水中湧出謂曰
龍王見請但瞑目自至建從之至水府見一老翁謂之曰老夫
居此久矣而近有一白龍爭窟宅約以來日會戰知君善射可

助吾射彼建曰何以知之曰明日午風雨波浪是戰時也戰酣
各出背曲背青者我也背白者彼也建謔出島伺之翌日果如
其言建杜島上射中白者少頃天晴波平童子出而復邀建出
少女妻之曰君貴種也遠鄉自有大福久留而並妻送之出島
上則商稅至矣遂以龍女歸泊昌陵塩白太守聞作帝建娶龍
女至並損財出力等室以居之自昌陵又移居於松岳下生一
子名隆後以信貴作帝建率少女入并化龍歸西海隆又生子
別製姓名曰王建集李氏也王太祖即位即東所居為正殿追
龍女為溫成王后作帝建為懿祖其立國適丁五代之初昭宣
帝亡於中國而王太祖興於海外統合三韓子孫享國垂五百
年此唐太宗之餘烈如陳亡而田氏大於齊天之報施可謂不
薄矣龍女事人或不信而諺傳太祖所生子女兩腋或有龍鱗

太祖以外家旣龍而龍女歸海時又率少女化龍故恐女子下
降輒生王者女子無齡者下塚有齡者皆令緇序之君留為後
宮不顧漬倫之恥及中業有以妹為妃者宋史譏之而殊不知
獨王家為然而民俗不然也我太祖感化回軍以王禍為辛毗
子麻之而立恭讓王瑤為君又使恭讓誅禍於江陵禍臨刑舉
腋以示觀者曰以我為辛氏而王氏龍種也腋下有齡爾等視
之現者逼視如其言此最殊異洪武壬申我太祖大王受恭讓
禪移都漢陽王氏之臣世家大欲不欲臣服者皆留不從土人
号其居洞曰杜門太祖惡之命限百年俾士子之科舉留居者
傳子傳孫遂為平民以高賈為生不治士業三百年来遂無士
大夫之名京城士大夫亦無往居者余嘗見大井里故祠温成
王后塑像與昌陵土城每訖異曰以為虛而非真則遺路尚斑

班也以為寡而非偽則殆近齊東之語其孰信之寢可痛者鄭
道傳以故隱李穡門人鹿末官至宰列而甘為王儉楮淵之事
賣國為利害師我友而既鹿亡又獻策除王氏宗室此以謫置
紫巖島滿載王氏於一大船浮之海而密令善泅者鑿船底沉
之時有一山僧與王氏相親者臨岬見之王氏遂吟一詩句曰
一聲柔櫓滄波外縱有山僧柰若何今其所沉處沙游泥生為
一海中大島所謂貞州海也在步輦江下太祖即位移恭讓王
於閔東殿王氏太廟以木主置大船浮之臨津江船自逆水上
至麻田縣江上依寺前北縣人以聞太祖命移依像於他寺以
木主安於寺号曰崇義殿欲求王氏為監而王氏有名爵者前
已剪除餘者皆逃匿變姓或為馬氏全氏王氏皆在王字於字
畫中而然不自認為王氏故至在憲朝始得王循禮一人依箕

子殿解于氏為監例錫以土田奴婢使世襲殿恭奉而以奉其
祀此聖祖之聖德也聖祖亦嘗曰除王氏非太祖之意出於功
臣之謀云城中有善竹橋即圃隱鄭夢周遇害處也恭讓時鄭
公以相臣獨不附於太祖之門下諸將使趙英珪以鐵椎殺
於善竹橋上而虜祚遂移矣本朝追贈以水朝職御設政府領
議政立碑龍仁墓前即審仔碎之鄭氏子孫改書高麗門下左
侍中賊名至今無事可見忠魂教魄之死後不泯也其亦可
畏也已城東南十餘里有德積山山上有崔榮祠有塑像土
民祚禱有驗而祠傍有寢室土人以民間處女侍祠老病則更
以少艾搜至今三百年如一日侍女自言夜輒降灵交臂云余
曰瑩以無謀之勇夫女為王禍妃而謀國不戢斷送社稷於他
人之手不升天不入地為神於國郊之外獨不忘男女之道可

見其不服其死而亦可謂淫昏不明矣然自數十年來其祀絕
無靈應亦可評也滿月臺卽一仰面長坡道說苗記以為不敗
土培以土石而為宮殿故唐太祖鍊石為層階護麓身而上立
宮殿及麗亡宮殿毀撤而階礎宛然久只而官不守護開城蜀
商大賈輒盜舁而為墓石迹漸罕存矣始後有紫霞洞乃松岳
之下泉石獨勝城中辰地有男山卽賊臣崔忠獻所居而崔氏
滅恭愍王建花園八角殿於上王禍之被圍也亦居於此處南
有龍首進鳳二山并自松岳下流而為城中內案壇與家以進鳳
為玉女粧治之形麗主累世得尚上國公主以此而英有筆山
故國人多占科甲於中國但虎山強而龍山弱故國無名相而
屢有武臣之亂亦以之此城東北有台巖卽教王遇山亂處台
西北有靈通洞卽室育故居舊有婦法寺今瘠洞北有花潭泉

石絕奇卽中庸朝徵士徐敬德隱居處也北踰一嶺卽玄化寺
故基今但有碑塔玄化之西為大興洞卽五冠聖居兩山間一
大洞天也甫廟朝尊山城於此外險內垣真天險而官置糗糧
兵器創大寺使僧徒守之以備不虞洞中巖壁岷岷壯大而溪
澗亦泓深匯停下為大瀑卽朴淵也府城西門外有萬壽山鹿
朝七陵在焉自此北踰小嶺則為青石洞長谷十餘里屈曲盤
回崖^兩壁立千仞大溪中瀉而山如門戶者屢次清皇帝丙子
襲我也至此大畏之欲殺龍胡子以為必無守調知乃過及固
軍日乃開路而從開城東北白峙而去府南則豐稔府東則長
湍永平江自東澄波江自北合於麻田循長湍南為臨津又西
會漢江為豐稔昇天浦長湍邑治在臨津北白鶴上下邑北有
華藏山寺有西域僧指空所留貝葉經旃檀香華藏以南皆細

麓平川自麗至鮮多公卿塚墓人比之洛陽北即臨津東有連川麻田有北朔亭直漢陽北百餘里水道通二京然並土薄民貧少可居處其中朔亭田地頗善而臨江多勝聚連川有許眉雙稷故居

卜居摠論

大抵卜居之地地理為上生利次之則次人心次則山水四者缺一非樂土也地理雖佳生利之則不能久居生利雖好地理惡則不能久居地理及生利俱好而人心不淑則必有悔吝近處無山水可嘗處則無以陶寫性情

地理

何以論地理先看水口次看野勢次看山形次看土色次看水理次看朝山朝水凡水口虧疎空濶處雖有良田萬頃廣廈千

間類不能傳世自然消散耗敗故尋相陽基必求水口關鎖內開野處着眼然山中易得關鎖而野中難以固密則必須逆水砂母論高山陰坂有力沂流遮攔當局則吉一重固好三重五重又大吉可為完固綿遠之基矣凡人受陽氣以生乃天陽光也如見天處決不可居故野逾廣則基逾美須使日月星辰之光粲然恒臨風雨寒暑之候盡然得人才多中出而亦少疾病寂息四山高壓日晚出而早入夜或不見北斗星光既少陰氣易乘則或作神叢鬼窟朝以嵐瘴之氣又使人易病此所以峽居不如野居而大野中殘山周回則此不可以山楮而統以野稱之者由天克不隔水氣遠通也至高山之中亦須開野於處方可作基凡山形祖宗有堪輿象樓閣樞柵之勢主山秀麗端正清明軟媚者為上後山綿綿渡野忽起高大峰巒紆曲枝葉

結作洞府如入宮府之內而主勢穩重豐碩如重屋高殿者次
之四山遠却平濶而山脉落下平地過水即止為野基者又次
之最忌高山懶弱頑鈍而無生氣或破碎欹斜而少吉氣凡地
無生也吉氣則人才不出此所以不可不擇山形也凡村居無
論水中水邊土色破砂土堅密則井泉亦清例如此則可居若赤
粘黑礫黃細則是死土也其地所出井泉必有嵐瘴如此則不
可居凡無水之地自不可居山必得水配水然後方盡生也之
妙然水必來去合理然後方賦鐘毓之吉此有堪輿家書始不
具論然陽基異於陰宅水管財祿故積水之濱多富厚之家名
村咸鳩雖山中亦有溪澗象會方為世代久遠之居凡朝山或
有麗惡石峰或有欹斜孤峯或有崩落之形或有窺闔之形或
有異石恠巖見於山上山下或有長石砂冲見於左右前後皆

不可居必也遠則清秀近則明淨一見令人歡喜無峻嶒而憎
惡之狀吉朝水則謂水外水也小川小溪逆朝為吉至於大川
大江決不可逆受凡逆大十處無論陽基陰宅初雖興發久則
無不敗滅不可不戒來水又必與龍向合其陰陽而又屈曲悠
揚而朝來不甲一直如射是故將欲建宅立舍為子孫傳世之
計則於地理不平不相而擇之而此六者乃要者也

生利

何以論生利人生於世既不能吸風飲露衣羽蔽毛則不得不
從事於衣食而上以供祖先父母下以畜妻子奴婢又不得不
營而廣之孔子之教亦既廣而教之何實使裸體乞食不奉祖
先之祀顧父母之養不有專子之倫而坐談道德仁義不哉夫
世之駑馬空名背實用久矣每欲強為難強之事故人不能無陰

惡而陽善是以不如先務衣食之源後滋禮義之端者欲人之
無隱惡而顯之也夫青枓為友白雲為伴枕石漱流耕烟吸月
其名豈不美哉然此自上古禮文不備舉世皆民之事必以此
為律則冠不必備相婚不必親迎喪不必棺槨祭不必俎豆此
豈可行得於今日哉故人生一世養生送死皆賴世需財而財
非天降地涌故土沃為上再車人物都會可以買遷有無者次
之土沃謂地宜五穀又宜木綿而水田種稻一斗收六十斗者
為上次則收四五十斗者收三十斗以下者土薄而不堪居矣
國中最沃之土惟全羅道南京求禮慶尚道晉州星州等處水
田種一斗最上者收一百四十斗次者收百斗最下者收八十
斗餘邑不能盡然慶尚則左道皆土瘠民貧惟右道饒沃全羅
則左道之傍智異者皆饒沃沿海邑則無水多旱忠清則內浦

車嶺以南沃瘠參半而其最沃者不過種一斗收六十斗自車
嶺以北至漢南亦沃瘠參半而不及車嶺之南其沃者多不過
四十斗漢北則大抵土瘠東自江原西至開城水田一斗所收
皆出三十斗其下者又不及此數矣江原之嶺東九縣以至咸
鏡土尤瘠黃海饒瘠參半平安則山郡土瘠而沿海諸邑頗沃
不下忠清矣田則峽邑多種粟麥野邑山海俱遠處無所不宜
木綿則兩南為最毋論峽土海土皆宜種自江原嶺東北至咸
鏡俱闕種雖種之不成江原嶺西則山氣悽寒亦不宜種而惟
原州春州近野稍種而亦屋厓京圻漢水以北山邑則山高水
冷亦不宜種野邑或種或不種而惟開城府最盛漢南沿海諸
邑及忠清沿海地內浦林川韓山俱不宜雖種種之土不堅實
故茁長而無花漢南遠海處間多種之而然甚罕惟忠清近處

槐山延豐清風丹陽允盛然猶不及車嶺以南邑皆種綿矣
黃澗永同沃川懷德公州為上次則清州文義燕岐鎮川等邑
為最黃海則惟沿海邑不宜山郡及海邑並宜土甚盛平安則
惟山郡罕種野邑無不宜綿花此外又有鎮安之烟田全州之
薑田林川韓山之芋田安東禮安之龍鬚田為國中第一為富
人柳利之資此乃我國田地之大畧也

貨遷

貨遷交易之道乃神農聖人之法也無此則無以生財然馬不
如車、不如船我國山多野少車行不便一國商賈以皆馬載
貨道遠盤纏之費贏得少是故莫如船運貨財而為貨遷交易
之利我國東西南皆海船無有不通然東海風高水悍慶尚東
海邊諸邑與江原嶺東咸鏡一道互相通船西南海泊則不習

水勢罕至而且西南海則水緩故南自全慶北至漢陽開城商
賈絡繹又北則黃海平安矣舟商出入必以江海相通處管利
脫黃故慶尚則洛江入海處為全海七星浦北汴至尚州西汴
至晉州惟全海管轄其口居慶尚一道之水口盡管南北海陸
之利商船皆以取取益大取贏羨全羅則羅州之靈山江靈光之
法聖浦興德之紗津浦全州之沙灘水雖短海以其通潮而聚
商船忠清則錦江一水源雖遠公州以東水淺多難不通江船
自扶餘恩津始通海潮故白馬以下鎮江一帶皆通船利惟恩
津江景一村居忠全二道陸海之間為錦南野中一都會海夫
峽戶皆於此出物交易每春夏海採時腥臭滿村巨舫小艦日
夜知堵塙排立於漢港之間一朔六大市而委輸遠近之貨物
內浦牙山則貢稅湖德山由宮浦水大而源長洪州廣州瑞山

聖淵雅溪港以通潮故並為高賈居留轉輸之所京師汭海邑
雖通潮之川以京近故商船不大集漢陽則西南七里許有龍
山湖漢江水派舊從南岸下過而一汭運入北岸下為十里長
湖西阻監倉沙岬水不滲池而連生其中高麗時每御駕至留
連賞蓮至本朝朝鼎監倉沙岸忽為潮水衝仔破壞潮水直達
龍山八道漕運悉泊龍山芙蓉山西為麻浦土庫龍巖等江村
並通西海之利為八道舟船之漢集城中公侯貴戚並置亭臺
於此為遊宴之所于今三百餘年漢水漸淺漢江以上潮水不
至監倉沙岸歲漸泥生將有淤塞之歎此不可知也開城府則
水口門外十里為東江通潮為漕運停泊之所國亡後潮不退
至今為淺川每船不至昇天浦則距府遠至四十餘里今惟後
西江距府不滿三十里通外道船利舟大則出海遠買舟小則

循江出入北至江陰西至延安東通漢江矣江華喬桐二大島
處後西江之南統以江海為魚鹽所出入鄒二道財利之華多
於此取敗平安道則平壤之大同江安州之清州江亦通船利
然南有長山之險故南船罕至長山串者即上所記黃海道長
判地之入海中為角尖處有礁石濤瀾之險船人皆畏之忠清
道內浦泰安西有安興串亦如長山之斗入於海之中雙巖峭
起而舟從兩岩間過去船人甚畏之惟此南北二串屹然相對
於海中而舟行到此多敗然全羅慶尚忠清三道則賦稅皆漕
至京師故水道皆置漕軍歲內麟次輸運且京城諸官家及士
大夫無不置庄土於三南皆仰其轉輸家輕人水路慣熟而商
賈亦多視安興如履門庭矣平安興咸鏡則邑賦無漕至京師
之規留置水地為勅行及關防之需故官漕既無而士又大夫

之所不居故松漕亦絕以是惟本道商船往來通京師者有之
外而或私商時至亦不如三南之多故船人不習於渡涉畏長
山過於安興矣至若會通潮處專以江船往來論之江船少不
能出海館利然一國之中惟漢江最大而源長受潮水多東南
則清風之黃江忠州之金邊木溪原州之興元倉駱州之白涯
東北則春川之牛頭狼川之元巖正北則連川之澄波渡互相
通船並為商船貫脫之所而惟漢陽左右通海峽之利東西江
都輸一國船運之利而射利致富之人惟此為最此乃我國水
道船之大略也利至於富商大賈座而行貨南通倭國北通燕
都積年灌輸天下之物者或有至累百萬金者惟漢陽多有之
次則開城又次則安州平壤皆以通燕之路輒致富此則又
不比再船之利三南無此等伍然士大夫不平為此只視魚塹

相通處置船受贏以備冠昏喪祭四禮之需又何害乎

人心

何以論人心孔子曰里仁為美宅不處仁焉得智昔孟母三遷
欲救子也宅非其依則不但於身有害子孫有必薰染於註誤
之患卜居不可不視其地之謠矣我國八道中俗平安道人心
淳儉為上次則慶尚道風俗質實咸鏡道地接胡鏡民皆勁悍
黃海道則山水險阻故民多獍暴江原道則峽岫多叢全羅道
則專尚狡險易動以非京圻都城外野邑則民物凋弊忠清道
則專趨勢利此乃八道人心之大畧也然此從庶民而論至於
士大夫風俗則又不然蓋我國官制異於上也雖置三公六卿
董平諸司然歸重臺閣設風聞避嫌處置之規專以議論為政
凡內外除拜不於三公而專屬吏曹又慮吏曹權重至於三司

差擬不詳之判書而專任郎官故吏曹正佐郎又主臺閣之權
三公六卿官雖高大少有不厭事銓郎輒使三司諸臣論之朝
廷風俗崇廉恥重名節故一遭彈駁不得去職是以銓郎之
權直與三公等將此所以大小相維上下相制三百年無大權
奸而無尾大難掉之患此祖崇朝徵鹿朝君弱臣強之弊然寓
防禁之微機也是以必以三司中有名德者極逆為之而又令
自薦其代不啻長官所以重事權而一付公議也是以凡有陞
品必先以銓郎以次陞補而後及於他司一經銓郎苟無大故
可以平步上公卿故名與利俱附而年少新進無不希顛之行
已久先後通塞之間不能無爭端宣廟朝金孝元有盛名當薦
吏曹參議沈義謙身戚里也相孝元不許孝元以名家子有學
行文章又喜推賢讓能大得少年士類之心於是士類譁然指

義謙為妨賢美權而攻之義謙雖戚里曾有退權奸扶植士類
之功年老位高者擁護之於是先輩與後輩歧武由微至著至
癸未甲申間東西名号始分東人推金孝元柳成龍奎宇顯李
山海鄭芝行鄭惟吉許筠李潑等西人推沈義謙朴淳鄭徹尹
斗壽具思孟等此乃朋黨之始先是李相浚慶臨終遺表言縉
紳中將有朋黨之漸王堂李珥疏斥以為難同君臣至誠以人
之將死其言也惡至是患其言之不驗力主調停居間兩解之
然國家辱經士秋而皆由戚里故士類積憎戚里而義謙適當
其機牙衆怒朋與時仁慎王大妃上賓而宣廟以宗支八叔大
統義謙於是固絕內援而東人執虛名攻之太過凡右沈者舉
謂之非士類新進之士又浮慕名美而東人甚衆珥雖本主調
停至是見士類訕論轉激及為大司憲至勅義謙珥固非西人

也其為兵判也一日詰玉堂洪迪哀誦迪落花高下不齊慙之
句孫贊以為唐朝時名士夫會迪曰吾輩會說者劫公事也珥
既有公吐劫吾不可在此遂起去許薪上疏上怒竄之大司諫
宋應溉又劫珥上又竄之都承旨朴謹元平同僚裴遂上又竄
之是為三竄然薪論多是摺摠而無其實於是右珥者多於
右沈而西人至是亦衆珥以仗有盛名亦不以西人自名而三
竄輕易下手遂令朝局一決而不可復收三竄於是乎不得辭
其責矣未幾珥卒而有己丑鄭汝立之獄矣上使鄭澈以季官
治獄凡東人之平日峻激者不死則竄朝廷為之一空矣自己
丑至辛卯鞫獄不罷連延甚廣時李山海為領相澈為左相山
海疑澈欲獄而傾己為蜚語流傳方澈在禁府按獄也上下借
滿忘記逐之於是兩司皆諫各啟論澈至遠竄江界兩司又欲

加律山海以為不可而止澈既竄山海收召東人之為澈所斥
逐者填補朝廷又斥逐附澈之西人是為辛卯一進一退之局
自是東人專局至壬辰宣庙播遷至開城府少駐有一宗室上
疏請治金公諫交通亂政之罪又論李山海誤國之罪請竄之
上只命竄山海山海於是罷領相流平海上御南門樓有上書
召還鄭澈者上赦澈使赴行在上至義州下一詩於正院同痛
哭開山月傷心鴨水風朝臣今日後寧復各東西及回登後傳
屯南海上不去朝廷外備倭賊內接天將而事後多端東西合
仕于朝不暇攻倭及戊戌平秀吉死傳劫始撤歸時山海赦還
在京為原任大臣而山海子慶全已登料及選玉堂也慶全有
文名且大臣子當銓薦蓋朝廷旧例選玉堂時吏曹郎官於被
選中拜第一流自薦其代謂之吏曹弘文錄岑南人鄭經世以

銓即欲相李慶全揚言以為慶全自佞生時多浮謗不可引
銓地山海及附於山海者咸大怒時李德馨在相府使人請李
坡謂子可謂景任若塞李慶全銓薦則必大生風波此非鎮靖
朝廷之道吾非為私也坡與經世同鄉而慶全於德馨妻弟也
故及之經世不聽而已南以恭以治練憐勃首相柳成龍蓋經
世水柳相弟子山海疑經世受柳相指嘆使以恭言之而非其
罪於是右成龍者加李元翼李德馨李晬先尹承勳李^光庭韓
汝謙皆名南人以成龍岑南人也右山海者如柳永慶奇自獻
朴承宗柳夢寅朴弘考洪汝諄任國老李再胆皆名北人以山
海在京也東人^分雖為南北而南人絕少矣宣廟末年北人當
國凡十年先海為即位西人與南人俱失勢未久北人又分大
少主張廢母論者為大北岐貳者為小北大北以李再胆為首而

許筠韓續男李愔白大珩等輔之小北南以恭為首而奇自獻
朴承宗柳希春金蓋國等雖官高於以恭而以攻斥廢母論為
小北輔之李慶全初與再胆前後見再胆為衆所惡恐秋及癸
丑間使其子進士阜上疏請斬再胆方再胆與慶全對棋也小
報至有進士李阜請斬再胆之疏再胆驚曰令公之子欲殺我
矣寧有是理此必有同名者矣再胆信之卒焉而起後知其見
欺而絕之慶全於是遠為小北矣癸亥仁廟平西人全疏李貴
洪瑞鳳張維崔鳴吉李曙具仁屋^等及正盡戮大北於是西人
執命而通用南人小北然自後小北不能自立或為南人或為
西人而以小北為名者少而不可復振矣仁廟以反正巧臣多
驕恣欲抑強扶弱凡南人皆諫攻斥西人則必右南人金湜知
上意不可回恐失勢陰下令自中曰吏曹判書以下^皆許南人

而吏曹判書以上及政府則不可許南人故堂下清窻自翰林
吏郎上至吏議吏叅與西人同仕至亞卿則永不許陞資或陞
資亦不許吏判惟李聖求棄丙子亂得主相府孝廟初欲除金
自点特獎用宋時烈宋俊吉既誅自点擢兩宋至大官顯廟末
年南人許穆尹鎬尹善道以誤已交邦禮攻乍兩宋顯廟用其
言厘正時南人許積為相仍受顧命肅廟初積當國先是大祀
父清風府院君金佑明葬其父用隧道宋時烈斥之佑明又以
閔慎代父喪事乍宋兩間遂為大隙至是佑明侄錫胄與積
合引入南人以誤禮攻宋時烈至竄諷西南自此始啓爭瑞而
錫胄以玉堂一年內超至兵判及庚申積庶子堅素驕恣為及
第常恨不得清顯意希非望交通宗室楨楠兄弟漸與錫胄有
隙錫胄疑之密令私人鄭元老伺察堅動靜知其與楨楠往來

而有妖言欲備之時上賜許積几杖宴宜醞賜樂命百官赴席
以罷之錫胄以是日不赴宴直詣闕以鄭元老言奏達上卽命
設鞠廳拿堅與元老質堅遂服即輟裂之獄仍大起殺楨楠及
許積尹鎬吳挺冒廷及柳焯然李元禎趙惺李德曾俱宰相也
於是南人退而西人復進壬戌又起許璽獄人言沸騰西人中
老少又分老論以金錫胄金萬基為首宋時烈金壽興閔維重
閔鼎重右之少論以趙時謙為首韓恭東吳道一南元萬尹趾
完朴恭輔崔錫鼎和之老論欲盡殺南人而少立論異此其所
以分也庚申後十年南人閔熙閔宗道輩得志伸庚申冤死人
惟堅楨楠不原又殺宋時烈金壽恒李師命金益勳又六年西
人復得志殺閔熙李義徵自是老少俱當國互爭於朝廷數十
年肅廟末年事任老論而少論乍退景廟辛丑趙恭為崔錫恒

用事竄逐老論壬寅獄起殺老論相李願命金昌集李健命趙
恭采^今上初進用老論而少論斥退丁未少論復進而戊申變
出金一鏡朴弼夢後先以逆誅而李師尚李真儒尹聖時徐宗
厦李明誼亦以黨與死於是少論趙文命相老論相洪致中首
唱蕩平之論合用老少南少^比四色矣庚申遠臣以為朋黨之本
肇自銓郎請罷其權以消弭偏論上信而許之命罷銓郎自
代與主張三司通塞之規於是銓郎下同設司郎官三百年規
例始罷矣昔在宣廟朝人才林立新進無不修名養望以希銓
通有一名^鳥管於象會中呼童加馬豆^有一名宦於象會中手驅
庭租之^鳥諸名士咸鄙之遂枳銓通此二事任真坦率者固或
有之不足為人呂之高下而遂見備於儕輩此可發一笑然一
時遴選之嚴與士類修飭砥礪之風可以想見此乃祖宗朝以

清名好爵鼓舞一世之器械也是以仁廟朝亦有銓爭亦有請
罷銓權者上問大臣以^以為祖宗朝故事不可輕改而止蓋其
時大臣知本朝重銓郎之權者欲防大臣為非故避嫌而不當
至是嚴之則新進之士無統領故各自為心無限闕故皆思躡
等無希名之心故又專趨於利重外輕內皆欲為監司守令放
倒廉節無復顧忌且朝廷行蕩平久四色合仕窠狹人稠固多
奔競而又罷銓郎而益之於是蹂貪大作縉紳風俗一壞而不
可復收矣朝廷大權一歸於相府矣京城則四色各聚俗睚眦
不均而外方則捨西北三道四色分處於東西五道之間而惟
慶尚道皆崇禮安李滉之學柳成龍成滉門人南人之名由柳
成龍起故舉一道士大夫皆為南人論議歸一他道則四色邑
邑錯居矣先是李珥門人金長生退居連山教授後進懷德宋

俊吉宋時烈尼山尹宜學兄弟生學子焉宜學子極又學於時烈
已而有隙庚申後時烈歸老論極入少論久之尼懷門人互相
攻讐如水火故連懷遠處皆全宋兩家之門生子孫也其中惟
尼山一邑皆少論以三尹故也江原京畿臨江亭屋多南人故
家而全羅則國朝中葉以後鮮大官不能培植人物固少士大
夫只隨京城親知而為之區別故旧多南北人今多老少論号
為道內大族者不過十餘家而多圍於富貴少顯達者奇大升
李恒以外無先生長者可以彈壓訓迪者故人心尤澆薄不及
於上道矣大凡士大夫所在處人心無不卑服植朋黨以收遊
客張權利以侵小民既不能檢飭又惡人議已皆喜獨霸一方
或不能而同處一鄉則里閭之間皆回測自辛壬以來朝廷之
上老少南三邑仇惡日深互以逆名加之而風聲所及下至鄉

曲作一戰場不但婚娶不通至勢不相容此邑與他邑親則謂
之失節亦謂投降互相排擯以至遊士賤隸一名某家之臣則
雖欲更事他族而不見納士大夫賢愚高下之區獨行於自中
一邑而不行於他邑此邑中人為彼邑所忤則此邑尤尊貴之
彼邑亦然雖有痛溝天之輩一為他邑所攻則無論是非曲直羣
起而扶之反作無過之人雖有為行隱德之人非同邑則必先尋
其不是處蓋黨色初起甚微因子孫守其祖先之論二百年未
遂為牢不可破之黨老少則自西人分張者纔四十餘年故或
有兄弟叔姪間分為老少者邑名常一分則心腸楚越與同邑相
議和至親間不及相至是無有天帝倫叙矣挽近以來則四邑
咸進惟取官爵將舊來各守之義理一併并髦如斯文是非國
家忠逆摠歸之前坐盛氣血閉之習雖比前少減於舊俗中添

委靡頹情軟熟柔滑之新病其心固自別而外以宣於口則皆似泯然一色每公座榻會語到朝庭間事不露圭角而難於對卷則輒以詼笑誦縫磨滅之故衣冠萃集雅聞滿堂開笑及見於政令事為之間則惟啻已利資鮮有憂國奉公之人視官爵甚輕視公府知傳舍宰相以中庸為賢三司以不言為高外官則以清儉為癡而末乃浸之然至無可奈何之域矣大抵自開關以來天地間萬國中人心之乖敗陷溺直失其常性者莫如今世朋黨之患遵是而無改則其將為如何世界乎一隅彈丸之國雖叢命生靈則百萬將盡失其心性無以救之其亦可哀也已是以將居鄉則毋論人心之好不好難燥濕異其勢不可不且尋同邑多處方可有過從談讌之樂亦可修文學研磨之業然猶不若擇無士大夫處杜門急交獨善其身則雖為農

為工為買樂在中矣如此則人心之好不好又非可論矣其

山水

何以論山水白頭山在女真朝鮮之界為一國華蓋上有大澤周圍八十里西流為鴨綠江東流為豆滿江北流為混洞江豆滿鴨綠之內即我國也自白頭至咸興山脉中行東枝行於豆滿之西南枝行鴨綠之南於自咸興山脊偏溝東行西枝長亘七八百里東枝亦滿百里大幹則不斷峽橫亘南下數千里至慶尚太白山通為一泓嶺而咸鏡江原之交為鐵嶺是為通北大路其下為湫池嶺為金剛山為延壽嶺為五色嶺為靈岳寒溪山為五塔山為大閑嶺為白鳳嶺仍作太白山焉皆亂山深峻危峰疊嶂耳謂之嶺者仍嶺底平處開路通嶺東者其餘皆以名山稱者也平安一道毋論清南清北皆自咸興西北枝結

作黃海一道及開城從高原文川間西枝結作鐵原漢陽白安
邊鐵嶺發脈結作江原一道皆自鐵嶺西抽者而西局於龍津為
一國最短之脈過此而無山自太白山嶺脊分左右行左枝連
東海而下右枝自小白南下者不比太白以上雖萬山中脊脈
連斷數斷大嶺四小嶺七小白下竹嶺大嶺之下天柱大院為
小嶺主屹島嶺為大嶺嶺下陽山栗峙為小嶺依離下火嶺
秋風嶺黃岳南舞豐嶺為小嶺德俗南六十峙八良峙為大
嶺過此而為智異矣皆南北道通行之路而所謂小嶺皆平地過
峽也就中俗離德裕二山分孽尤多俗雜南下外倒行者盤礴
畿於湖南北之野德裕精氣西為馬耳鹿濁南作智異馬耳
西北二枝止鎮嶺萬頃其最長者自蘆嶺分三派西北二枝由
扶安務安而散作西海中諸島其最長者東去為潭陽秋月山

自秋月西行為靈岩月出山自月出又東行止於光陽白雲山
山脉之屈曲如之字形而月出一枝別為南行由海南縣館頭
里為南海中諸島渡海千里為濟州漢野山而或云漢野又渡
海為琉球此不可知也然蓋知其甚迺也仁祖朝倭攻琉球虜
王去其世子載國寶欲贖父舟漂到濟州牧使其問舟中寶世
子答以有酒泉石漫山帳酒泉石者方石一壞中央凹每以清
水貯則變為美酒帳則以蜘蛛絲染藥織成小帳則可覆一間
大帳則雖太山可覆而雨亦不漏真絕寶也牧使請之世子不
許牧使遣兵圍捕世子被取即以石投海牧使盡藉船中物因
杖殺之世子臨死請筆墨書一律曰克語難明架服身臨刑何
暇訖蒼旻三良八地人難贖二子乘舟賊不仁骨曝沙場纏有
草魂歸故國吊無親竹西樓下泊水遺恨分明咽萬春旣殺

之誣以犯境之賊啓聞于朝事露幾死僅生一國之水則嶺脊
之外北自咸興南至東萊皆東流入海慶尚一道及瞻津南流
入海嶺以西則北自義州南至羅州水皆西流入海大則為江
小則為浦港此皆我國山川之大畧也古人謂我國為老人形
而西坐亥向已向西開面有揖中國之狀故自古忠順於中國而
且無千里之水百里之野故不生巨人西戎北狄與東胡女真
無不入帝中國而獨我國無之惟謹守封域恪勤事大然舊在
海外別是一區故箕子不欲臣周至此為君是為忠臣立節之
鄉流風餘韻至我朝雖服事于清然君臣上下以不忘壬辰再
造之恩為大義理肅廟朝適當甲申三月明亡之周甲建大報
冊於宮城後苑之西以大牢特祀萬曆皇帝而仍命歲一祭焉
今上庚午又祔祭崇禎皇帝於傍甚盛舉也祭必以夜而祭

時雖天晴陰風肅烈濃雲晦暝過祭即清明最為可異余謂宜
以石星邢玠楊鎬李如松配食並有功於壬辰者也世傳譚人
洪彥純少時入燕以累千金求絕色媒娖夜引入一宅大見一
處女盛張燈燭侍婢甚衆而見彥純而泣問故女曰父泗川人
官至主事父母俱沒欲賣身逐葬而妾誓不再適今夜相見便
當永訣是以泣耳彥純知貴家女大驚請以兄妹禮結義女泣
謝從之使侍婢還所聘金彥純請以助葬却之而出後壬辰彥
純隨使臣至兵部尚書石星宅星偕入後堂見夫人即前日結
義妹也星終始力助我國者蓋感彥純之義而畢竟以我國事
被禍是尤不可不祀也星夫人平日織大錦每足繡報恩字遺
彥純價直萬金丁酉宣廟命建邢玠楊鎬生祠於城中以報素
沙破倭之功不及於石星李如松實欠典也

名山名刹

全羅平安則余所不見咸鏡江原黃海京畿忠清慶尚余多見之矣以余所見參以所聞金剛山萬二千峰純是石峰石洞石川石瀑峰巒洞府水川淵瀑無非白石結作故山一名皆雪山言山無寸土也乃至葛任之巔百丈之潭：是一石此天下所無山中亦有正陽寺、有歇惺樓得地最要坐其上可得一山真面目真精神如在瓊瑤窟裡清氣爽朗令人不覺撥滯腸胃間塵土正陽西有表訓長安二寺內多元時及前朝古跡多宮壺所舍珍寶之物從正陽寺並入為萬瀑洞有九潭之勝洞壁有楊士彥蓬萊楓岳元化洞天八大字：畫能動如生龍活虎飄飄然有羽化之意內有摩訶衍普德窟凌虛架空其結構如神工鬼力殆非意慮所及最上為象香城在萬仞峯巔地皆白石

而有層級如鋪床阜上安一石立如佛像而無眉目是天成左右石床上又兩行排烈小小石像而亦無眉目誘傳曼無偈住此前臨絕磔萬丈惟從西北角微逕以入萬峯鳴如而水石潭洞曲：奇巧不可盡記而名蒼小窠籠終其上殆如七金人鳥帝擇宮殿不如人間有者上頂曰毗盧峰直上剛風登涉則雖夏深寒挾纏山西北有靈源洞別成一界而東為內水站即嶺脊脈也踰脊即榆站寺也榆站東北九龍洞大瀑自高峰懸下穴而為大石臼者九層而層皆有一龍守之山崖水道皆光潔白石不但傾危峻側不可接足森嚴肅烈不可嚮耳榆站古跡最多僧言五十三佛像自天竺泛海而來地主盧椿建寺而安置之語多荒誕然前世所以崇奉塔廟者極其宏賁榆站以西謂之內山以東謂之外山而水流入東海內外山自古無

虎蛇夜行不禁茲乃天下之奇異當為中國第一名山願生高麗
之說豈虛語也伏依氏華嚴經創於周昭王後是時天竺不通中
國况外東夷乎然而東北海中金剛山之說已載於經中以無
伏暇遙見而記之歟由是以南為雪岳寒溪亦石山石泉而岷
哉載巖幽深淒冷疊嶂喬林蔽虧天日寒溪有萬丈大瀑昔
壬辰唐將見謂之過廬山瀑布又南為五塔山乃出山而千巖
萬壑重疊深阻巖上有五塔之勝塔右有一菴中始藏佛骨舍
利上黨韓亮畏得道尸解而稱脩丹福地以此為第一自古兵
戈不入故國寂置史庫藏歷朝寶祿于山下月精寺傍置官而
守之自此嶺脊稍夷為大開嶺東通江陵而嶺下有丘山洞泉
石絕勝大小白又出山也然出色皆秀穎太白有薄地之勝地
是山上開野頗有峽砥保聚成村燒畬為生然地氣寒高早霜

民惟以粟麥畊種黃池上均藥峰下有禁穴世傳國朝祖地而
不得焚慶山之下平地有覺化寺弘濟菴往之有高僧異類栖
息其間自古又稱三穴不入故國寂置史庫於此小白有郁
錦洞泉石數十里上有毗盧殿即新羅古刹也洞口有退澤李
湜書院大凡大小白泉石皆在洞府底平處山腰以上無石故
雖雄大而小殺氣遠而望之峰巒不起鬱紆如行雲流水際天
障北事有紫白雲在上昔有方士南師古見小白輒下車拜自
此活人山也著言以大白小白為避兵第一地大抵自白頭至
大白通為一派嶺故無星峯小白以下斷峽者數始為俗離之
堪輿家謂之石火星然石勢高大重疊峯巒皆石尖巖聚形如
初發芙蓉又如遠列炬下而山下皆石作洞府紆回深遠有八
曲九遙之名山既秀泉出於石故水味清冽色亦紺碧可愛乃

忠州達川上流也環一山多異洞別壑幽泉奇石幽妙窈窕之
狀至於金剛俗離南有幻寂臺千峰萬壑巖巖幽遠人不知適
路是谷之水合為小泉渡小坳循青華山南而來注龍湫是為
瓶川：南為道藏山亦俗離一枝來會與青華偏側相對而兩
山之間龍湫以上通稱龍遊洞：中平地皆盤石大川自西至
此澗展平鋪於石上過石之凌瀟處則為小瀑過石之狹凹處
則為小澗過石之方廣處則為小池過石之圓坎處則為小井
遇平坦處水如真珠簾洄湫處水如香烟篆石如槽如鼎如釜
如臼如石假山如小島嶼如羊虎如鷄犬奇：怪：而水環繞
轉旋或澎湃或停瀟或激射或倒瀉兩岸樹木蕭瑟而谷風
淒冽殆天下之奇觀也當中有宋氏亭舍青華山東北有仙
遊山為上聚焉絕頂夷坦洞壑甚長上有七星臺虎窠窟昔崔

真人滄南宮道士斗修鍊於此著記言欲修道者下於此山安
栖云是谷之水流下為閨風苑與梁山寺前谷水合下加恩倉
東入流聞慶大灘自七星臺西踰嶺脊是為外仙遊洞稍下為
葩串洞天深邃而大溪日夜瀉下於石洞石崖之下千回萬轉
不可彈述比金剛萬瀑洞雄壯少避而或曰奇巧清妙過之蓋
金剛以後無此水石當為山南第一矣青華既背負內外仙遊
前臨龍遊水石之奇絕勝俗離山之高大雖不及俗離無俗離
之險絕土峰帶石明穎少殺形容端正又平善而秀氣透露不
掩殆福地也華陽洞在葩串之下葩串之水至此蓋大石益奇
宋尤齋擬朱子雲衣簪室於中又擬朱子恢復大義祀皇明神
宗皇帝洞中建祠曰萬東嘗有詩曰綠水喧如怒青山點似嘖
云自俗離南下為火嶺秋嶺頗有溪山之幽致皆抵平宜村

居不可以山稱德裕土山也上有九泉洞泉石幽邃下有赤棠
山城周圍皆石壁如裳上則夷坦故自國朝等城於茲又藏史
記寶祿山東則安陰智禮北有雪川舞豐之南師右稱福地洞
府之外傍一山田出饒沃多富村此則又非俗離以上之比也
智異山在南海上是為白頭山之大盡脈也一名頭山流世以
金剛為蓬萊以智異為方丈漢擘為瀛洲所謂三神山也地誌
以智異為太乙所居群仙所會洞府盤回深鉅土性肉厚膏沃
一山皆宜人居內多百里長谷外狹內廣往者有人不知處不
應官稅地近南海氣候溫暖山中多竹又柿栗極多自開自落
撒黍粟於高峰之上無不蒸熟平地田皆種之山中村居與僧
寺錯居僧俗折竹拾柿栗不勞而足為生利農工亦不甚勞而
周足是以一山不知年歲豐凶故號為富山之陽面有花開

洞岳陽洞皆人居而山水甚佳高麗中葉韓惟漢見李資謙橫
甚知秋將作棄官挈家隱岳陽朝廷物色之拜官石之惟漢仍
迹隱不見於世不知所終或以為仙去西有華岩燕谷寺南有
神凝瓊溪寺有崔孤雲致遠畫像溪石壁多刻孤雲大字
世傳孤雲德道至今往來於伽邪智異兩山之間云宜廟辛卯
年間寺僧得一紙於巖石間有絕句一首曰東園花開洞壺中
別有天仙人推玉枕身世幾千年字面如新其字法則與世所傳
孤雲筆同舊傳有萬壽洞青鶴洞萬壽寺今九品培青鶴身今
梅溪也近始稍通人跡山北皆咸陽地有靈源洞君子寺榆店
村南師古以為富地又有碧霄雲洞嶽城洞俱勝地也智異以
北澗谷之水合為臨川為龍游潭到都南巖川沿溪上下泉石
并絕奇但地太深阻村多凶命逋逝之流亦時有盜賊竊殺又

一山多滄祠鬼壘每春秋四吟巫覡雲集祈禱或至男女露處
相混酒肉臭穢狼藉最為不潔山雖大小發脈西南局於鱗津
上流泉石多帶嵐瘴通一山皆小清妙此其所欠也惟此八山
為嶺脊之最若其雄嶺脊而為名山者咸鏡一道皆太山荒谷
無可以名稱者山惟明川七寶山據東海結作而入洞府石勢
嶮削雕鏤奇巧之狀殆如鬼刻神刻次平安道寧邊妙香山外則
皆出山巒頸皆出星根峰腰以下皆奇巖秀石而又不險惡內
多平地大川濶布其間殆如野中村落山枝回複洞府重疊如
城郭之狀而他無蹊運惟從西南水口以入馬只容一人單
行旧稱太白山上有檀君化生石窟山內有三大刹小菴寮極
多為緇徒入定講道之所慶尚一道無石火星而惟陝川伽邪
山石尖連紆如火尖雄立空中極高且秀洞口有紅流洞武

陵橋飛泉盤石數十里世傳崔孤雲遺履於此地不知所之石
上刻孤雲大字至今宛然如新孤雲詩狂奔疊石吼重巖人語
難分咫尺間常恐是非聲到耳故教流水盡龍山者即此地也
壬辰之亂金剛智與德裕俗離皆不免傳入獨五指小白及此
山不至故自古亦稱三災不入內有海印寺新羅氣莊王既死
已歛而復甦與冥官約發願送使入唐購八萬大藏經以船載
來到而加蓋以銅錫為柱而建閣百二間十藏度至今十餘年
板如新刻而飛鳥回避此閣不坐屋瓦上此可異也儒家經典
雖內府秘書之閣萬無飛鳥不度屋上之理內典則却如此神
奇此不可以思惟曉解也寺西北為伽伽上峰石勢成削四面
人不可升上似有平坦處而人不得而知之也其上恒有雲氣
畢巖樵童牧豎時聞樂聲出於峰上寺僧或傳大霧中山上時

有馬迹聲云洞外係耶川水田極沃種一斗出百二三十斗少
不下八十斗水饒而不知旱災又水綿為上田最稱衣食之鄉
山東北有萬水洞亦深奧長谷稱福地可以棲遯安東請涼山
自太白下野而結峙於禮安江上自外望之只土巒數朵耳渡
江入洞府四面石壁周回皆萬丈尊巖奇險不可名狀內有爛柯
塔即崔孤雲奕棋處有石如方罏傍有一老媪像安於石屋中
相傳是孤雲棲山時奉爨婢也山有蓮塔寺多新羅金生親
筆所書依經近有一士人讀書于寺仍竊取一卷至家遺癩死
其族人畏之即還于寺云惟此四山與嶺脊八山為國中大名
山為隱流藏修之所古語曰天下名山僧占多我國有佛教无
道教故凡此十二名山皆為伏官所據外此而地以大名刹見
稱於世而有奇蹟異景者大小二白之間有浮石寺即新羅時

古刹也佛殿後有一巨巖橫而堅上又有一巨巖如屋下覆驟
着似上下相承接細察二石間不相連壓而有些空隙以繩度
之出水无碍如知其為浮也寺以此得名此理殊不可曉寺門
外有息沙如塊自古不泐削之更起似息壤羅僧義相得道將
此西域天竺植杖於所居紫門前誓曰吾去後此杖必生枝葉
此樹不枯死則可知吾不死也義相去後寺僧即所居塑義相
像安置而樹在窓外即生枝葉雖日月照之雨露不沾而長在
屋宇亦不穿上莖一丈有餘千年如一光海朝鄭造為慶尚監
司至寺見之曰仙人所杖吾亦欲杖即令鉅斫而去後即抽二
莖如前更長仁廟癸亥造蓮誅樹至今四時長青亦无開落僧
人歸為飛仙花樹昔退溪嘗詠樹有詩曰擢玉亭之倚寺門僧
言錫杖化靈根杖頭自有曹溪水不借乾坤雨露恩云後有聚

遠樓宏潤縹眇若出天地之中央氣勢精神全似壓慶尚一道
壁上有退溪詩板余於癸卯秋與李承旨仁復遊於太白山登
斯寺遂次其韻曰縹眇危樓十二闌東南千里眼前看人間渺
渺新羅國天下深、太白山秋壑冥烟雁鳥外海門殘照亂雲
端行、不到上方寺豈識千秋行路難又有詩曰茫、太白與
天通舊刹雄開左海東河岳遠朝千里外啟機飛出二儀中名
僧去住花生樹故國興亡鳥度空誰識周南有滯客浮雲落日
竟無窮樓上與隅作室內懸新羅以來是寺之超骨出舍利名
僧画像十餘幅皆形容古恠神彩清淨儼然如對相定時樓之
上地勢逶迤乘下有小菴寮以處講經入定僧云寺係慶尚順興
府地而又有梁山之通慶寺大丘之桐華寺金羅則靈光之道
岬寺海南之天桂寺高山之大屯寺金溝之金山寺順天之松

唐寺興陽之楞迦寺并新羅時大刹而通慶則唐初慈藏法
師天竺得釋迦頭骨及舍利瘞寺後作塔以鎮歲久少傾廟
廟乙酉僧聖能欲重脩毀塔則內書外道聖能重脩而以銀函
錦袱貯頭骨大如金盞錦已千有餘年不朽如新又有小金盃
貯舍利光棄人月既改又建碑閣碑文蔡學士彭胤撰我先大
夫書桐華則羅僧真弘錫空中止於此遂建寺以居地飛回
合屋宇宏傑自古多名僧修行者道岬則新羅僧道說發跡之
所洞外立二石一刻皇長生三字一刻國長生三字不知何意天
柱則處南海上而地如深峽松篁楠柏森立洞府宮殿壯麗物
力富饒為一道盛刹大邑則後山為雞籠小祖而寺後有白雲
菴壬辰倭亂咸悅人孫某幼時失母設水陸道場於此菴凡七
日拜忽於俯伏中夢一羅漢謂曰汝母在前山孫驚起遍觀果

有一老嫗在前山石上息往詢之即其母也母言被虜在倭國
中平朝提甕行沒有一僧負之來在此不知何故云大眾驚動
仍改名其菴曰得母金山則本龍湫深不測在母岳山南新羅時
祖師以壙累萬石填宗而龍徙仍等基建大殿、四角階下細
澗環周至今棹閣塊煨洞府深邃亦南湖大名藍距金州府治
甚近鹿史甄神劔囚父萱於金山寺即此寺也松廣則殿寮架
閣結構雖多極精緻工巧水石又清潔幽邃降巒亦明麗峭直
四面境界亦端妙窈窕而鍾樓前有水閣前有一樹昔普照國
師臨化時曰此樹我去後必枯若更生枝葉則知我再生今千
年而不生葉人以刀括皮則內津、有生氣若真枯則必朽倒
而至今挺直如常此可怪也楞迦則在八靈山下昔琉球國太
子漂到遂於寺伏禱觀音請啟國七日七夜大士現像挾太子

凌波寺僧繪其像於壁至今仍在

都邑隱遯

凡山形必秀石作峯山方秀而水亦清又必結作於江海交會
處斯為大力量如此者圍中有四一則開城五冠冠一則漢陽三
角一則鎮岑雞籠一則父化九月後冠則道說謂水母木幹勢
極長遠而又大斷為松岳即堪輿家所謂奏天也氣勢雄健
博大意思包畜渾厚東有麻田江西有浚西江而昇天浦為前
朝喬江桐華二大島在海中橫亘如一字障南海而北射漢江
下流暗拱于前山之外而溪澗浩大董越所謂風氣比平壤尤
固密之者是也五冠左右多洞府朴淵在西花潭在東而並泉
瀑絕勝漢陽三角為並山在百里外秀入青天而前面平善西
北高障東南敞遠茲為天府名墟所之者沃野千里耳三角則

道峰三角連紆為勢石峰極意清秀如萬丈朝天別有異氣盡
點難狀但山無輔弼而系小洞府耳舊有重興泉石而至等北
漢山城盡皆剝平城內白岳仁王石勢使人可畏不及松岳之
脫殺所恃者只南山一支逆江作局耳內水口低虛前面冠岳
雞備江系太近雖火星朝拱堪輿家每以午地方位為不吉狀
局內明朗森嚴土地淨潔堅白雖墮飯於道似可捨食故漢陽
人士多踰通明類而恨無雄氣雞籠則雄不及五冠秀不及三
角前面又十朝水只錦江一帶周回龍身而已凡回龍顧祖之
地本小力量故難以金陵見之每為偏霸之方明太祖雖一統
易世之後未免遷都故雞籠南洞北漢陽開城氣勢迥遜又局
中平地小而東南又不敵豁然其來既遠而洞府濶畜局內西
北有龍淵極狹且大溢為局中大溪此則開城漢陽所無也山

南北亦多好泉石東有鳳林北有岬寺及東學之奇勝寺九月
及為回龍顧祖之歎西北負海東南逆受平壤載寧二江之而
水通潮汐魚鹽之利全據黃海一道之勝而南五里又為百里
沃野水勢及地理之險阻田地之饒沃大勝於雞籠石山鉅齒
之勢系不下五冠三角環一山寺利多至十餘區而上又等山
城為天險矣謗傳檀君子孫避箕子自平壤移都於此地所調
藏坪也尚有柵三君祠國冢春秋降香以祭狀柵氏偏居不
足以盡茲地之勝此當為一番都會外此而為名山者春川清
平山為額國所都而但結作於二江之南距西海遠故來勢短
金溝母岳下有平地洞府謗傳可作都邑狀來勢亦短安東鶴
駕山在二水間山勢恰似五冠三角而恨少石峰下有豐山之
野或稱可都此三山皆不及上四山夫下野之山雖無大力量

其奇勝亦多可述原州赤岳雖出山狀肉多洞府泉石東西又
多名村塢且山多靈獵者不敢捕獸於此獅子山在赤岳東北
水石三十里而酒泉江發源於此南有桃花洞杜陵洞並溪泉
絕勝又稱福地真避世之地公州茂盛山與天安廣德山相連
而皆出山也狀兩山南北長谷甚多不但佛寺僧寮壇勝于中
谷有村閭田疇雜錯隱映於長林溪水上宛一桃源圖也海美
伽耶山東南則土山西北則石山東有伽耶寺洞壑即上古緣
王宮闕西有水簾洞岩瀑絕奇北有講堂洞武陵洞水石亦佳
而並旣近村墅可以居止雖不及陝川之伽耶亦足以擅勝海
上藍浦聖住山南北二山各為大同山中夷坦溪山明淨水石
蕭洒山外產玄玉作硯為奇品昔梅月堂金時習坐化於鴻山
無量山即此也溪洞之間亦多可居芦嶼一支北至扶安斗入

西海中西南北皆大海內有千峰萬壑是為卞山毋論高峰絕
巔平地仄嶺皆落、長松叅天翳日洞外皆墟戶漁父山中多
良田沃疇居民上山採蔬菜下山取魚塩薪炭贏餘不待僕而
是只恨水泉帶瘴上所謂諸山大則為都邑小可為高人隱士
棲遯之地至於人不可居而山以名勝稱者永平白雲山有三
釜淵瀑布之壯谷山高連山極深且阻有岩竇洞穴之奇光州
無等山上有石條數十排列於空中如卓笏山勢峻極而樵壓
一道靈岩月出山石光繼動如道峰三角而但太逼於海且少
洞府長興天冠山石勢奇勝恒有紫白雪在上興陽八靈山入
海如島南師古稱福地壬辰倭船出沒左右而終不入光州白
雲山為道說脩道之所泉石亦佳慎天曹溪山內有松光溪洞
之勝大丘八公山亦石峰橫亘山東南溪山頗佳但山西等山

城為閔防重鎮此為不邪耳大丘瑟琶山內有涌泉之石清道
雲門山蔚山圓寂山並連峰疊嶂洞天深邃而僧家稱千聖出
世之處点稍避兵禍地清河內迤山岩瀑之勝奇妙幽閒殆勝
清涼山青松周房山皆石作洞府驚心駭目而泉瀑亦絕奇諸
山只宜仙釋棲止而可一時遊觀非置泉永居之地此外雖多
以山稱者無洞府不論無泉石不載

海山

夫海山中点多奇異濟州漢孥山是為瀛州山上有大池每人
語喧鬧則輒雲霧大作絕頂有一方岩如人鑿成其下莎竹成
蹊香風滿山時聞笙簫聲不知自何來諺傳神仙恒遊之處山
北濟州邑治古耽羅國也自新羅未附元以為房星分野縱駿
馬牝牡於山為牧場至今產馬良歲貢濟州邑治東西有旌義

大靜二縣與濟州大同而牧使二邑守今自古往來無深溺又
朝廷續紳多竄謫於此而亦無深溺可見王靈之遠暨而百神
之奉順也南海縣在慶尚固城海中距陸水路十里而內有錦
山洞天即崔孤雲所遊處孤雲所書大字尚留石壁上莞島在
全羅康津海中距陸十里即新羅清城鎮張保皋所據地而內
多好泉石今置僉使鎮群山島在全羅萬頃海中亦置僉使而
全身為石山群峰障後左右環擁中為泮港可藏船泊而前為
漁梁每春夏魚採時各邑商船雲擁霧簇販賣於海上居民以
此致富競浚室屋衣食其豪侈甚於陸民德積甚在忠清道瑞
山北海中即唐蘇定方伐百濟時駐兵之所也三石峰在後棟
天而支麓環街內為泮港水淺可泊舟船泉自高湯下透迤
平川層岩盤石曲、清音每春夏杜鵑躑躅滿山遍開洞壑之

爛若錦繡海邊皆白沙汀而往。海棠透沙爛開雜海島真間
仙境也居民並以漁採多富厚者然諸島皆瘴泉獨德積與群
山先之鬱陵島在江原三漉海中天晴登高或望見如雲氣
甫廟朝遣三陟營將張漢相自成鏡安邊府因順泳發船向東
南尋之風便二日始至見大石山聳立海中上岸无人居而有
古人遺址內有石壁石澗洞壑甚多有貓鼠極大不知避人竹
大如杠系有桃李桑柘菜茹之屬珍木異卉不知名者亦多疑
即古于山國也狀東海處倭與我國之間舊有水泉如峯彼此
不相通近水勢漸變俾船多漂至峯東此可慮也上所論皆以
山論至如雖非名山之下或山峽中挾江挾川而水石奇勝或
野壠中嫩山名湖映帶而絕勝者開錄于下

嶺東山水

山水之勝當以江原嶺東為第一高城三日浦清妙中濃麗幽
閒中開朗如淑女靚粧可愛而可敬江陵鏡浦臺如漢高祖氣
像豁達中雄渾皆遠中安穩有不可名狀歛容侍中臺明朗中
森嚴平易中淡遠如名相據府可親不可侮此三湖為湖山第
一景次則杆城花潭如月墮清泉永郎湖如珠藏大澤襄陽青
州湖如鏡開畫奩此三湖奇勝亞於上三湖我國八道俱无湖
水惟峯東六湖殆非人世間所有狀三日浦則湖中心有四仙
亭即新羅永郎述郎南石行安詳所遊處四人結為友不仕遊
山水間世傳得道仙去湖之南石壁有丹書即四仙題名丹痕
清壁風雨不泐千有餘年亦可訝也邑治客館東又有海山亭
西顧則金剛千疊東望則滄海萬里南臨則長江一面濶遠雄
壯兼大小幽曠之致南江上流有鉢淵寺傍有鑑湖昔楊蓬萊

士彥構亭於湖上手寫飛來亭三大字揭于壁一日所揭飛字
忽風吹捲入天中不知所之詢其日時即楊化去日也人謂楊
一生精神在飛字及氣散也與之俱散此實可異也鏡浦則一
小麓東向而峙皆在其上前有湖水周圍二十里水淡不過人
腹可行小船東有江門橋外白沙堤重互遮湖水逼海而
堤外碧海連天昔崔灑弱冠到此培題詩曰蓬壺一入三千年
銀海茫茫水清淺鸞生今日獨飛來碧桃花下無人見遂為古
今絕唱人無有繼之者或曰詩死一點烟火氣此仙語也或曰
太虛而幽此鬼詩也淑歸而即逝世傳湖舊為富民所居有丐
僧乞米民以糞與之所居忽陷為湖所積穀悉化為細小蛤每
歲歉則蛤多產歲豐則蛤小產蛤味甘香可以療飢土人謂之
積穀蛤春夏時四遠男女負戴採者相屬於道湖底尚有瓦礫

兜四之屬泗浴者往得之湖南岸有故判書沈彥光故居彥
光仕于朝每畫湖景座隅曰吾有如此湖山子孫不能振拔而
必衰湖南數里許有寒松亭有石鼎石臼之屬即四仙遊處侍
中湖則无亭屋沙岸重疊交牙湖水屈曲滙潭潔淨森嚴景際
絕勝昔韓明滄以監司宴遊於此拜相之報適至邑人号為侍
中培通川叢石亭則全剛六麓直入大海中如島嶼而麓北大
海中有大石柱隨麓身一竹排立根入海中上與麓身齊高相
距東滿百步柱高可百仞凡石峰上銳下豐而此則上下如一
是柱非峰矣柱體圓中有斲削痕自下達上似木匠刀鍊柱
之上或古松點綴柱下海波中小石柱无數或豎或側與波濤
相噬蝕酷似人作造物賦形至巧至奇此天下之奇現也而又
必天下之所无也三陟竹西樓則據五十川為勝而絕壁下有

暗竇水至其上漏如落澗餘者猶棧前石壁橫過邑村昔遊人
船遊誤入竇中不知所之人謂邑基穴空空之故人才不出云
其他如襄陽洛山寺扞城清澗亭蔚玳瑁望洋亭平海越松亭並
據海結構海水絕碧與天為一前无遮蔽而海崖如江汀溪畔
小石奇崑錯立岸上隱映於滄波之間海邊皆紫狀雪色之沙
履之屐有鳴聲如步珠玉之上沙上海棠爛開往松林落
落參天入其中使人意相忽變不知塵世之為何境狀骸之為
何物恍惚狀有陵空步虛之意一涉茲境其人自為別人經過
者雖十年之後眉宇猶帶烟霞山水氣峯東九郡外歛谷北即
咸鏡道安邊府也鉄峯一支東走海上層層展開如張高下屏
帳澗狀如函左右兩支回環於海門如人拱手之狀其空缺處
則小岩壁羅列如萬竈在野誰互遮不見海色其內為鶴浦

六湖周回三十餘里水淡而空明清澈四面皆白沙岸而沙中
海棠透開爛雲帆每微風乍吹細紗遊走披小則成堆大則成
峰朝暮遷徙一日之內變化莫測正類西海金沙甚可怪也後
則秀峰嶽崗窈窕名似遠似近前則清波細浪灩澦平徐似
動似靜中國人以浙江西湖比之於明粧美人我國之可以婉
媚西湖者惟此湖而已此則又非峯東六湖之所有可比方湖舊
屬歛谷中間割移安邊歛民與安民爭訟此湖於朝堂而不能
肖以其淪入於北道而北道又非士大夫之所可居故絕勝名
區虛間委棄於絕海之取只供過客遊玩地亦有遇不遇如此
良可惜也海中十餘里又有國島後則石柱撐起攢立上成石
四圍皆石而內傳以蒞土中產竹箭甚良無人居使客遊玩到
此若吹籊笛則下有龍湫輒有雷霆風雨之異

四郡山水

永春丹陽清風堤川四郡雖志清境實據漢江上流峽中沿江
多石壁盤石其中丹陽為寂那一境皆在萬山中無十里野有
江溪岩洞之勝世稱有二潭三岩二潭者長潭在永春境江流
滙潭深澗水中聳三石峰各雜立而一行如絃直鏤鏤奇巧如
人家所畜石做山但恨低小无塊截壁之谷龜潭在清風境
兩岸石壁參天翳日江瀉其間石峽重々互遮如門戶而左右
有降仙壇彩雲峰玉笋峰皆則臨江高岩堆立盤陀上可坐百
人二峰則萬仞純是一石而玉笋尤挺直如巨人拱立歲戊子
夏余從安東上京也乘舟於丹陽邑前過玉笋得一聯曰地上
欣高端士立波心影動老龍翻又曰精神秀發江山色氣勢高
撐宇宙欣江中又多盤石水落則石出水深則石沒三岩者在

郡西南峽中山中大溪從石洞流下溪底及兩岸俱石岸上奇
岩或作小峰岫或如床榻展鋪或如城磚鋪等上有古松老樹
或偃仆或點綴溪水到長凹石則如石槽新水到圓石凹則如
石釜盛水、石相激日夜喧逐傍水不聞人語左右峽脊喬林
蔚鬱百鳥啁啾實非世間境界如此有三上曰上仙岩中曰中
仙岩下曰下仙岩余戊子過丹陽時與郡守金重禹都事李德
運皆遊此得一聯曰萬峽恍疑春夢到千秋長擬地仙遊未知
何時果得了仙債否也邑東南有雲岩一小麓自山下野而尖
兀隆起下有石壁而東南山峽之水大而為溪旋繞於石壁下
上西崖故亭址頗有溪山之致昔西涯以御賜釣皮質此亭有
基作數間屋成或南以恭之為李慶全劾西崖也以至比之於
眉塢西崖書中以為丹崖翠壁亦入彈墨之中即此地也西崖

罷歸後宜廟使李相恒福選朝臣中清白吏季相即以西崖應
薦蓋痛以恭之誣也西崖出城故至廣津作詩曰田園歸路三
千里惟憶恩深四十年其瞻顧宗國不忍便訣之意可以想見
矣及西崖沒而亭仍以毀狀岑東地僻逼海丹陽險阻狹限俱
非可居之地

江居

夫高山急水險峻驚湍雖有一時賞玩之致只宜寺觀棲止不
可作永居世守之所其必也野邑有溪山江山之勝或夷曠而
明麗或菁酒而幽雅或山不高而秀或不水大而清雖有奇岩
秀石而絕無陰慘險厲之容茲為靈氣鍾聚在邑為名城在鄉
為名村矣江居則以平壤外城為八道第一蓋平壤前後百里
開野豁狀明朗故氣像宏恢而山色秀嫩江不急瀉而平徐演

漾於前山與野稱野與水稱平坦秀麗浩之洋洋商船賈舶出
沒波中秀石層岩逶迤江岸西北則良田平疇極目瀟漫是一
別乾坤也內城則公廨官屬之家而平民人士皆聚居外城外
城云者以衛滿朱蒙時築城為郭郭雖夷漫尚有形址樸地
間闕在此中南臨大江每春夏沅女泮游十里繁狀擊漂之聲
鴻鳧驚飛室屋櫛比市廛繁華自箕子時至今无盛衰亦可想
地理之佳矣狀諺傳平壤地理為行舟取忌鑿井舊鑿井邑多
火災遂堙塞之一邑無論公私皆汲江日用樵採路遠薪芻極
貴此其斯欠也次則春川牛頭村在昭陽江上二水合襟之內
臨水有石下有江外有山雖峽中開拓既遠敵愾明爽又
通下江舟楫魚鹽之利居人多以商販致富自額國時人烟至
今不衰次則駙州邑治在漢江上游南岸之南之野直通四十

餘里故氣像清遠江不雄迫自東趨西北而上有馬岩覽寺之
石殺其水勢西北平夷故為邑治者數千年九江村罕魚農利
或村在兩山間前臨江水沙磧无田土可耕雖有之或遠不可
耕收或地勢低下水滂无收不狀有者皆薄土耳水濶大不可
灌漑早滂易入故江居徒有江山耳衣食之利惟三處最勝
以開野故也至德豐德昇天浦開城後西江并濁潮帶瘴漢陽
諸江村前山太近忠州則金遷木溪外餘皆寂寞孤村惟公州
則錦壁絕勝而但狹猥僻巷尚州洛東則兩岸荒谷羅州水浦
光陽糖津晉州澄江所處太遠惟扶餘以下南至恩津西至臨
陂多據水為村處三南中心且距京不遠野近而土頗沃可以
耕云有粳稻芋麻魚蟹之利受南北委輸為江海舟船之湊集
漢江以外惟此可論鴨綠豆滿不錄

溪居

諺曰溪居不如江居不如海居此以通貨財取魚鹽而論耳
其家則海上多風人面易黑又多脚氣水腫瘴瘧之疾水泉既
乏土地且渴濁水潮至清韵絕少我國地勢東高西低江自峽
出少悠遠平穩之意恒有倒捲急瀉之勢凡臨江構亭屋者地
理多舛與歇先常惟溪居有安穩之美菁洒之地又有灌漑耕
耘之樂故曰海居不如江居不如溪居凡溪居必離岑不遠
狀後平地亂世皆宜可居故溪居當以嶺南禮安陶山安東河
洄為第一陶山則兩山合為長谷而不甚高濶地之水至此始
大至谷口外為大溪而兩山足皆有石壁據水為勝水足以容
舸牒洞中古樹甚多迭容間雅菁洒幽靜而山後溪南皆良田
平時退溪所居岩樓軒一間日屋尚在內藏退溪硯匣杖屨與

紙製璇璣玉衡河洄則一平坡自漢南向西北而西崖故宅在
焉潢水周回演漾停滯於前水北山自嵩駕山分來紆回於江
上而皆石壁石色雍容秀麗絕無險厲之狀上有玉淵亭及小
僧庵點綴於岩石間而蒙以松陰真絕境也陶山派下為汾江
即李龍岩賢輔故居水南即高祭酒倬故居皆有幽勝之致河
洄上下又有三龜亭鋪洞九潭佳逸寺村皆臨江名村下流多
灘俱不通洛東商船而狀前亦可以用舫楫吳因地不遠平時
可以耕耘小白最稱亂也又可隱居故曰隱居惟此二處案為
國中第一不特地以人貴也此外安東、南又有臨河川即青
松邑溪下派之會潢水者也臨川有駕峰金誠一故居至今門
狹蕃衍為名村傍有夢仙閣陶淵仙刺之勝州北有柰城村即
故權貳相撥故居有青岩亭：在池中大石上如島嶼而四面

環以川流頗有幽致又北為春陽村即太白之陽有石言權斗
紀世傳寒水亭名臨溪清然有幽妙之致臨河上流為青松府
有二大川會合於邑前而頗開郊垌白沙碧流映帶於未黍田
疇之間四山皆海松子蒼蔚蒼翳四時長青蕭酒窈窕殆非塵
世間風氣榮川西北有慎興府治有竹溪、自小白山流出野
濶山低而水石清明上有白雲洞書院祀安文成公裕即明廟
時副提學周世鵬葺葺基時所創也茲為我園書院之始院前
有樓據溪而冕朗昭曠全攬一邑之勝茲二邑居溪山物色出
地生利與安東諸名村相一下故曰二白之下潢水之上案為
士大夫之所居處其次則赤登之南龍潭有珠萃川錦山有滑
原川長水有長溪茂朱有朱溪四處溪山絕勝而土地為上腴
宜綿宜稱野得灌溉不知年歲凶茲則二白潢水之比矣四邑

中間又有前島後島竹島三島之勝雖有溪山勝槩但恨豐場
少遠狀四邑東西皆太山溪谷故最多避兵處遵是而北下溪
折於東入沃川地為陽山穀霞溪利山九竟溪雖隨地異名案
一水而并居赤登之上沿溪多層岩秀壁西北高障東南敞豁
清而幽竊而曠山則雄高而秀允麓險之形水則雖不通不流
之船往來滙深停畜可用舫艦足可比美於陶山河洄而東迤
黃岳德裕又可以避兵但水田少故居民專治綿為業而實遷
之利足以抵膏腴水田放生利亦不減上四邑真高人逸士
之所居處也又其次則火谷秋風兩間有安平溪錦溪竟美溪
三溪在尚州永洞黃澗之交溪山絕勝而有灌溉之利水田為
上腴而地多綿田介屋湖峯間地不甚僻商賈湊集負迂有元
而土多富厚者放生利比諸處為第一狀野不開拓故清明氣

像不及漢北與陽利山矣狀北接俗雖有甄項道莊南隣黃岳
有上下子谷皆可以避兵真福地也又其次則開慶瓶川有加
鬼鳳篁青華竟遊之勝而北接仙遊洞壑溪山川石奇絕而水
田鏡狀出宜柿栗周回百里皆是避兵福地真隱者之可居也
狀所處既僻而山不脫殺且避世脩道而非平世可居處也又
其次則俗雜也達川上流為槐山槐灘上有孤山亭即故判書
柳根別業也朱之蕃奉使時遣宦工面狀以看任詩揭額峽中
窄隘溪山明淨又有田地耕稼之樂東有臆陽山可以避兵沿
溪以南有青川龜灣竟萃松面茅村在俗雖之北南踰栗峙則
為開慶瓶川而栗峙以北地勢最高諸村皆背山臨溪原野綠
淨竹樹馨香是為一別乾坤雖在萬山中亦無危險之峰真隱
者之所居而但田多而水田少出脊少收不及瓶川槐灘矣又

其次則原州酒泉絕峽中頗開野山不甚高而水極清但恨无
水田居民只以黍粟為生西則未岳茶天隔斷人間只宜避兵
避世而此青川瓶川尤貧險矣至於維岑以下野溪村則指不
勝屈當以公州甲川為第一全州栗潭為第二清州鵲川為第
三善山甘泉為第四求禮九灣為第五甲川原野極廣四山清
麗三大川合注於中而并得灌溉土皆耐種又宜木綿江景不
遠而前有入市通海峽之利可作永遠世居之地栗潭東挾高
山西隣良田南有大川水田皆畝種漁釣之樂耕稼之利不下
甲川密通全州利用厚生兼備鵲川則川西有長命金城紫的
鼎坐等村川谷至多并得灌溉之利自古富厚之家甘泉則
發源於黃岳而沿溪皆灌溉上腴之水田人不知豐凶而多世
代富厚之人故風俗淳厚九灣則智異山有東枝无西枝獨一

脉西抽大盡於此而潺水曲抱江外五峰南朝介二道間為貨
財委輸之所而唐野皆上腴星稀月明之夜江上小艇无人而
或自浮泛兩岸而世傳五峰山有仙人往來智異鼓狀大抵九
灣一村比諸溪村生利尤厚而但近南海水土不佳以此此五
處地利與生利俱極佳比陶山河洞尤勝而難登稍遠故只堪
平時世居而不可避兵此其所以不及於漢北諸村矣狀无惟
灣東有智異治祀皆可居止此外忠清則保寧青蘿洞洪州廣
川海美武陵洞藍浦花溪俱多世居富厚者且隣比諸邑海道
便近故京城士大夫皆仰其轉輸之利雖无深山鉅谷而海隅
地僻兵才初不入故最稱福地全羅則南原藝川興德長湍長
城鳳淵皆腴壤名村多世居土豪慶尚則大丘琴湖星州伽州
金山鳳溪并甫田腴壤自新羅至今人烟不衰地理生利皆可

在世居之地但不可避兵惟伽川鳳溪近岑治亂皆可居正京
圻竟仁魚肥川陰竹清美川土沃如三南而可居江原則京門
安昌溪一帶橫城邑川左右并溪山絕勝而但出脊不及三南
遠甚黃海則惟海州竹川松禾水回村頗有溪山勝致而出亦
不薄西有海汀魚墟之利案為可居黃海江原之交平康有亭
子淵泉黃氏吾居地在鉄原也而大野中平岡紆回而大溪目
安邊三方峙西南深下至村前益深大可容舳舻而江岸石壁
如屏風有亭始樹木之幽致西則伊川邑北有廣福村安邊永
豐之水至廣福淤澁環繞可容舟地皆白石明沙晃然有奇異
氣一邑少水因而推廣福引水灌溉出極饒沃也有古美灘釣
山之深阻平時乱世可居而但恨處地大僻所居只富民先士
大夫廣福之水至伊川居邑前大而為江每夏秋水漲直發賦稅

之船漕至京師江水到安峽會古美灘水經免山至朔寧澄波
渡江山清遠始有京城士大夫亭始樓閣夫山水者可以怡神
暢情者也居而無此則令人野矣朕山水好處世利多薄人既
不能撤家割食則不可徒取山水以為生不如擇沃土廣野
地理佳處等屋買名山佳水於十里之外或半日程內每一意
到時、往彼以消憂或留宿而返此乃可之道也昔朱子好
武夷山水川曲峰巒无不繪藻而賁飾之亦未嘗置家於此嘗
曰春間至彼江條相映不自不惡浚之好山水者可以此為法也

四民總論

我國寧有士大夫中原人除五胡裔皆以帝王賢聖之後裔克
舜文武周公孔子之法制此為真正士大夫乃我國之所講士
大夫皆本國人苗裔耳我國處中國之外不及於高貢錫姓

之時則即一東夷也但箕子之後為鮮于氏高句麗為高氏新羅
諸王朴昔金三姓及駕洛國君金氏俱以王者自命其姓此為
貴種自新羅未通中國而始制姓氏狀只仕宦士族略有之民
庶則皆无有也至高麗混一三韓而始倣中國氏族頌姓於八
路而人皆有姓矣然未領之前派族各異故但擇同貫而為同
姓若他邑則姓雖同不以為族而婚娶不禁者以祖先不同也
狀則高麗賜姓有何尊貴者今世士大夫欲持是以安自物我
則惑矣我朝開運以名分立國至今士大夫之名甚盛以象用
人專取門閥故也人品層級甚多宗室與士大夫為朝廷縉紳之
家下士大夫則為鄉曲品官中正工曹之類下此為士庶人及將
校醫譯方外閑散人又下者為吏胥軍戶良民之屬下此為公
私賤奴婢矣自奴婢至京外吏胥為下人一層矣庶孽及雜色

人為中人一層也品官與士大夫雜謂之兩班狀品官一層也
士大夫一層也士大夫中又有大家名家之限名目甚多婚娶
交遊不相通其拘碍促刺如此不能無盛衰存亡之變故士大
夫或夷為平民平民久遠則或昇漸為士大夫故鮮于氏為平
安品官今元士大夫皆王氏高氏絕種惟新羅朴氏金氏及
駕洛金氏為王者後至今黃顯繁盛此二姓方為本國中甲族
且中國人亦多留種於此者有隨箕子衛滿而來者有隨麗王
妃公主而來者麗元混為一國人民往來无禁亦有遷徙而仍
居者此則雖非高麗賜姓狀其派系未詳亦少顯者至於向中原
派落而為顯家者如温陽之孟延安之李駝州之李南陽之洪
原州之元海州之吳宜寧之南居昌之慎昌原之黃不入於此
中而其餘皆高麗賜姓耳故今世士大夫考其譜始祖所起多

出此中狀物久則難變自高麗至今八百餘年由卑賤至尊貴
以尊貴傳襲累世其德行功業又足以光史乘傳簡策則此豈
下雀盧王謝之後哉我朝比鹿尤文明昔莊憲大王以聖人之
資莅君師之位求一世於禮法名教之中於是士大夫家之文
章戶戶道德彬彬狀文采與皇朝士大夫一榻是故才學鹵莽則
謂之僉楚婚娶少失則待以荒外行義有玷則不齒交遊而介
胄之夫商賈之人雖出士大夫之中亦賤之矣故為士大夫自
難必攻文學力行義修身齊家然後方可行於世矣是以出處
隱顯之間動靜語嘿之節皆被人指目自莊憲大王自宣廟二
百年來時有汚隆人不能盡善於是乎偏論大任自偏論產出
未賢者未必服人不肖者易以莊身士大夫行身立名尤難蓋
國制雜優重士大夫亦輕用殺不故无良得者志輒國刑借以

報私怨而縉紳之禍屢作无名則見棄多得名則見忌則必
殺之而後已誠難仕之國也及其衰也是非之爭大爭大而讐
淡警深而互以殺機加之嗚呼士大夫不得於朝則山林而已此詛
通古今而今則不狀不幸成中諸賊其身則以士大夫從鄉邑
首事故及芟除之後朝廷每疑山林幽僻有大盜竊發不疑其
為盜則又疑其心遠可以詭僻之名欲進而仕於朝刀鉅鼎鑊
之爭紛狀未已故欲退而據於野則非无青山萬疊綠水千重
卒未易往士大夫於是乎將安歸乎不惟山林不可往一言語
一行事之間其見疑不仕於官與中人下人每在於士大夫
而毋論其顯晦用舍與在野在朝殆无所容身在此咸悔其讀
書脩業為士大夫而反有羨農工賈之名則前日士大夫泰然
自尊於農工之賈上到今真有所不及物極則反固其理狀也

故普天之下一名士大夫則无所可往其將舍士大夫之名而
居於農工賈或可以安身立名歟曰否今日偏論之害不惟在
士大夫從品官中人至及於輿臺下賤者以其所與好者不
人之名目抑農工賈無所相好者乎斯人也既不能木石禽
獸而與斯人也同處於斯世則舉頭擢目即與物接夫惟接物
生親疎親疎生好惡親與好生向合疎與惡生離背一名向背
誰合則便有界限彼不能入此不能出雜故左右隴斷於中
不得可笑惟此界限大固斯人非山河而堅如鉄壁无方所而
確有定位無有一人能自解免於此中此今世偏論之形也惟
此偏論初生於士大夫末流之弊至使人无所相容古語曰火
生於木火發必克故曰東不可居西不可居南不可居西南
此不可居如此則將无地无地則无東西南北既无東西南

北則便一混淪大極圖也如此則无士大夫无農工賈亦无可
居處矣此謂非地之地於是乎作士大夫可居處



